

84
С 71 .

А. СПЕШИЛОВ

Трикамье Вөррезын



КОМИ-ПЕРМЯЦКОЙ КНИЖНОЙ ИЗДАТЕЛЬСТВО
КУДЫМКАР * 1953

А. СПЕШИЛОВ

ПРИКАМЬЕ ВÖРРЕЗЫН

ПОВЕСТЬ

Переводсö керис *Н. А. Спорова*

Коми-Пермяцкöй книжнöй издательство
Кудымкар * 1953

А. СПЕШИЛОВ

В ЛЕСАХ ПРИКАМЬЯ

ПОВЕСТЬ

Перевод *Н. А. Споровой*

Коми-Пермяцкое книжное издательство
Кудымбар * 1953



ПЕРВОЙ ГЛАВА

Иван Иванович Паинов, Гаревской мехлесопунктись Калиновской производственной участокын начальник, бергөтлис телефонлись ручка да горөтлис омөн контора пасыта:

— Коммутатор! Коммутатор! Гари!.. Кин сэтчин байтө? Нылиньой! Лесопунктись начальниклөн кабинет? А! Ёрт Ахазов? Паинов беспокоитө. Миянө самолётон локтис лесопунктись виль техрук. Инженер Микитейко. Столовыйын обедайтө. А сыкөт отлаын техник — мастерлө отсалисьөн назначитомась. Кытшөмкө Тотьянина. Мый керны? Меным эта йылись некин нем эз байт... Василий Ильчыс локтө жө? Көр гортсис петис? Важын ни? Шондi петтөдз эшө? Вөлөн?

Паинов өшөтис трубкасо да клетчатой чышья-нөн чышкис чужөмсө.

— Колька! Эй, кин сэтчин эм? Корө Николайос.

Котөрөн пырис дасвит год гөгөрся зоночка.

— Чожажык котөрт вывланись складө. Висьтав механиклө: ежели сылөн вит минута бөрти оз понды уджавны лебедка, ме юрсө сылись орөта.

Зоночка уськөтчис ыбөсө.

Производственной участокын виль контораас стенаазын вартөма штукатурка понда дранка. Джодж шөрас сулаліс ыджыт чугунной печка, көда дынісь сідз и койис жарөн. Печка дынас бухгалтерлөн письменной пызан, шульгаланись угөлын участокись начальниклөн неыджыт пызанок, көда вылын сулалісө письменной прибор да телефон.

Бухгалтер, плеша не ни том морт, шыннялөмөн видзөтис Паинов вылө, көр мөдыт баитис телефонөн, а сыбөрын горөн серөмтчис.

— Тэ эн пильскы, — обидитчөмөн шуис Паинов. — Самолётөн локтис лесопунктись виль техрук. Не Гариын чеччис, а миян участокын. Эта не весись керөма. Вежөртны колө. Көть ассит бухгалтериятө вайөт порядокө!

— Мийө тэкөт, Иван Иванович, сякөйсө ни адззывлім. И өні быдөс бура чулалас.

— Лебөдка огө вермө уджө лэдзны, киэзөн грузитам! Кытшөм эта производственной участок! — Паинов, конторасис перыта петікө, висьталіс:

— Муна столовойө гөссесө потшшуйтны, а тэ кытчөдз эстөн командуйт.

Көр дугдісө кывны Паиновлөн оськөввес, бухгалтер недыр норовитыштіс, сәсся сибөтчис телефон дынө.

— Вайө квартира... Тэ, Маруся? Вот мый, Маруся. Босьт неыджыт графин. Төдан, кытчө туримольнас настойкаис керөма. Чожжыка, Маруся, нөбөт столовойө, заведующейыслө сет. Сэтчин виль инженеррез обөдайтөны. Колө гөститөтны нійө, натьтө, кынмисө. Давай кер, кер чожажык, мый висьталісө...

Оча ки ниртөмөн сія бөра пуксис пызан сайө. Оссис ыбөс. Бухгалтер вылө уськөтчисө

кӱдзыт воздухись тшакыллез. Контораӧ пырис лесопунктись начальник Климов.

— Здорово быдӱннытлӧ!

Бухгалтер сразу лое бытӧтӧ перытжык:

— Эн кынтись, Василий Ильич? Морозыс талун нӧльдае градусӱдз сибалӧ. Кыдз локтӧн? Мийӧ рытсеань снегочист вашӧтлӧм. Вдруг, думайтам, Василий Ильич пондас мунны.

Климов шысеттӧг чӧвтис куржаваӱн вевтӧм тулупсӧ, пӧрччалӧ пась киззесӧ.

— Важын ни локтисӧ? — дженыта юалие сӧя бухгалтерлись.

— Часӧт только. Столовӱйын ӧбедайтӧны. Иван Ивановичыс сӧтчын жӧ мунис. Чожа, натӧтӧ, локтасӧ.

— Кыдз тӧян участокын мунӧ вӧрсӧ петкӧтӧмыс?

— Сведеннӧез эшӧ абуӧсь, Василий Ильич.

— Бумажказтӧг долженӧсь тӧдны.

Лесопунктись начальник видзӧтис ӧтмӧдӧрӧ, юалие:

— Мыля одӧ штукатуритӧ стеназсӧ?

— Василий Ильич! — паныт шуис бухгалтер. — Хозяйствонае Иван Иванович распоряжайтчӧ.

— Бӧр босьта тӧянлись ремонт вылӧ лӧдзӧм денгасӧ, а материаллӧсӧ мӧдик участоклӧ сета, сӧк мӧдик годӧдз пукалӧ сараяныт.

Бухгалтер лӧбтыштис пельпоннӧсӧ да ӧдззис бергӧтлыны арифмометрлись ручка.

Климов пуксис печка дынӧ, нюжӧтис сыланӧ кыномӧм коккесӧ да пондӧс куритны.

— Мый нӧя сыдырна озӧ локтӧ?

Бухгалтер сибӧтчис телефон дынӧ.

— Столовӱй? Ме ӧрт Василий Ильич распоряженнӧ сьӧртӧ... Сӧдз, сӧдз. Петисӧ столовӱйсис? — бухгалтер видзӧтыштис ӧшынӧ да радӧн

висьталіс: — Локтöны, локтöны, Василий Ильич.

Пырисö куимöн — Паинов, сы сьöрын вылын мыгöра том морт да нывка.

— А вот и нія, Василий Ильич.

— Адзза, что нія... — Лесопунктісь начальник оськöвтіс паныт локтіссеслö.

— Микитенко... Кора извинитны, что ме ордди Гариэз, — висьталіс инженер, Климовлісь кисö жмитікö. — Меным охота вöлі кольлавны татчö Калиновкаö Галина Степановнаöс.

— Но, и бура керин! Тіянлö сідз и этадз ковяс тöдсасыны участоккезнас. Миян уджыс вöрын, а не контораын...

Климов сьöлөмсянь видзöтіс том инженерлісь крепыт, лөсьыт фигурасö да нывкалісь бытшöм, гажа чужöмсö.

Ыбöсын мыччисис ыджыт мыгöра татарин, веськыт киас сылөн вöлі чер.

— Мый тэныт, Галиев? — юалис Климов.

— Уджавны колö. Грузитны колö. Вагоннэз абуöсь.

— Мыля абуöсь? Ёрт Паинов!

— Порожняксö öнöдз эзö вайötö, Василий Ильич, — паныт шуис Паинов. — Сэтөн көртуй быдöс дзугö. Авария бöрын авария, Василий Ильич.

Климов вайötіс синкыммесö оча да сибötчис телефон дынö.

— Диспетчерöс! Климов баитö... Висьталö, мыля Калиновкаын порожняк абу? Авария? Сідз... Вайö дорожнöй мастерöс... Дорожнöй мастер! Кыдз ликвидируйтат авариясö? Рабочöйез абуöсь? Ерунда! Босьтö депоись быдөннысö. Грузчиккезöс. Вежöртін?..

Климов чапкис трубкасö.

— Тэ, ёрт Паинов, совсем онмөссин. Мыля некытшöм мераэз он примет? Мыля меным

нем эн висьтав? Плансö нетыртöм понда ответ видзны пондан тэ, а не дорожнöй мастер.

Гöрдötöм Паинов, киэсö лэдзöмөн кузь, көсыник, сулаліс начальник одзын. Лесопунктісь начальник бергötчис сы дынісь, сэсся висьталіс Галиевлö:

— Порожняк чожа лоас, ёрт Галиев. Лöсьötчö погрузка кежö.

— Якши, ёрт начальник. Тэ локтін — вагоннэз лоасö. Удж лоас — ыджыт процент.

Микитенко адззис, кызд распоряжайтчö лесопунктісь начальник, и думайтыштіс: „Чорыт мортыс, сыкöt, натьтö, некокнит лоас уджавны“...

— Инициатива тэнат абу, участоклөн ёрт начальник. Ог жö вермы ме быд пустяксö тэ туйö керны!

Паиновöс порйötлöм бöрын Климов корис том специалисттэсö ветлыны вывланись складöдз. Ныкöt пондіс лöсьötчыны и Паинов.

— Öтнаным ветлам. А тэ мун авариясö ликвидируйтны, — тшöктіс Климов.

Куимнанныс шоньтжыка каттисисö да петісö öтөрö.

Георгий Алексеевич Микитенко, кöда неважын Москваын кончитöма лесотехнической институт, первуись локтіс Уралö, да эшö сэтшöм кöдзыт севернöй төвся кадö.

Климов сьöрын векнитик туёк кузя мунікö сія любуйтчис свиттялан лымөн да пушистой куржаваөн вевттьöм паськыт уввеза пуэз вынөн да красотаөн.

— Этö резонансовöй көззэз, — спутниккезлань бергötчöмөн шуис Климов. — Сэтшöм богатствосö некытөн, некытшöм странаын он адззы.

Көдзыт воздухын шондї гөгөрын веськыт-ланьсянь и шульталаньсянь сотчисө быд рөма радугааз.

— Мый жө эта сэтшөмыс? — дивуйтчөмөн горөтчис Микитенко. — Төлөн радугааз!

— Шондыс кеписсез кышаліс. Сідзкө, мороз лоас.

Локтісө первөй усөдз — железнодорожной веткаөдз. Климов, рельсесөсө видзөтікө, лөгөн шуис:

— Сунисок вылын видзсьөны. Озө вермө улөлым суйны.

Вөрсис вайөтис тшын дукөн. Путниккез сибөтчисө вывланись склад дынө. Железнодорожной туй вылын сулаліс лымөн тыртөм вагон. Сы дынын костөр гөгөрын пукалісө грузчиккез да пөжалісө картошка.

— Мыля одө уджалө? — юаліс Климов.

— Лебөдкаыс жугаліс.

Передвижной электростанция вагончикись петіс механик. Пондіс объясняйтны:

— Ойбыт пессим. Огө вермө лебөдкасө уджө лэдзны. Мороззээ! Маслоыс кымө. Лебөдкаыс — не трактор. Сійө он понды костөр вылын шонтны.

Сибөтчисө грузчиккез да мастеррез, быдөнныс иньдөтчисө лебөдка дынө. Вына куимбарабана машина ТЛ-3, кызд сирота, каттисьөма небыт лымнас. Лым увтө сайөвтчөма и стальной трос.

Микитенко, пидзөсви лымас вөялөмөн, сибөтчис лебөдка дынас.

— Тэ берегитчөмөн, — предупредитіс механик. — Лебөдкаас ток локтө.

Предупрежденнө вылө ответ видзтөг инженер включитіс мотор. Барабан өтпыр бергөтчис и сувтчис. Мотор пондіс бөбись унныавны. Кысянькө төвчикөн лэбзис гайка.

Микитенколөн лөгувьяс пондисё дрёжитны тырпес. Сія сувтотис машинасо да негорөн висьталіс:

— Контакттэз дзугёмось. Лебёдка тырёма лымён. Механизмын быдос голльё-вөрө. Тэ кин?

— Механик. А тэ кин? Не аслат делоо юрто суйлан.

— Ме Гаревскоій лесопунктись техническойкоій руководитель.

— Извинитё... — бобгыштис механик.

Рабочоійез, кодна чукортчисё сэтчө, любопытствоон наблюдайтисё, мый лоас одзлань.

Инженер лэбтис крышкасё камерансь, кытөн вөлісё контакттэз.

— Механик! Мун станцияо да выключит токсо. И сыборын юорт мено. Ме перецепка кера.

Лебёдкасо лёсьотом бoryн Микитенко сувтис да треситис вывсис лымсо.

— Быдос порядокын.

Лебёдчица включитис ток. Вагон-платформа выло пондис кыссыны первой пожумовой кер...

Вывланись складись быдонныс петисо лесосека выло. Вөр трелюитан туй вылын уджаліс трелёвочной трактор. Сія гымөтөмөн да кальскөтөмөн кыкис сьорас нель пожум.

— Мыля өддьөн етша? — горөтис Климов.— Куумись етажык нормася!

Тракторист сувтотис машинасо.

— Нем трелюитны!

— Мыля нем?

— Ачыт адззылан.

Недыр мыйись пондис кывны отирлөн баитөм.

Пөрөтөм пуэз коласын сотчис ыджыт костёр. Костёр гөгөрын пукалісё вөркераліссез, невна ылынжык сулаліс трелёвочной трактор.

— Кытшом сэтөн шоччисян керку? — юалис лесопунктись начальник.

— Вывланысь складас завал, — удада ответсё видзис ватной костюма визыв зон-моторист. Сія пукаліс кер вылын да бедьон сорлаліс костёрын шоммез. Ордчон куйліс электропила. Сы дынсянь кыссис кабель.

— То лебёдка оз уджав, — одзлань байтис моторист, — то көрттуй вылын авария, то тракторрез понда абу газочурка, а миянлө нем керны... Көр эшө вайотасө вагоннэсө да грузчиккез ештотчасө погрузканас.

— Тійө отсалө нылө грузитны, и заторрес озө лоө, — висьталіс Климов.

— А миянлө этасянь кытшом польза? Миян асланым бригада. Мийө пуэз пөрлалам. Грузчиккезлөн тожө асланыс бригада. Миян план, нылөн план. А вот тійө пондылө трактористөс нето чокеровчикөс тшөктыны мөдік удж керны, шуам, миянлісь. Лунтыр пондасө асланыс тракторын гайкаэз бергөтлыны, а мөдік удж бердө озө кутчө, интерес абу...

Вөрсис бөр локтисө чөлөмөн. Только Климов мукөд коста бергөтчывліс спутниккеслань да, йыжоллезсянь уссэсө весөтікө, лөга байтис:

— Ме мыччала нылө, кызд гайкаэсө бергөтлыны... Вөрзаптисез!

Көр петисө вөр дорө, тайгаын кылісө паровозлісь гора свисток. Ковсис кежны бокө, лымас. Ны дынөт төвчикөн лэбзис-мунис порожнякөн дырвидзчисян поезд.

Контора дынын нійө панталіс участокись начальник.

— Спасибо, Василий Ильич.

— Мый понда? — дивуйтчөмөн юалис Климов.

— Порожняк локтис.

Климов, Паинов выlö видзёттөг, пырис контораё. Чөвтис тулупсё да юалис инженер-лись:

— Мый висьталан участокыс йылись?

Микитенко перво шы эз сет. Мый сэтөн висьталан? Участокас полнөй беспорядок.

— Тэ веськыта баит.

— Ладно, — согласитчис Микитенко. — Меным кажитчө, что талун мийö вöлим не производствын, а машинаэзись аскодя выставка вылын. Висьтавны кө веськыта, дак нельки выставка вылас машинаэсö мыччалöны уджын, а участокын куимбарабана лебёдкаэз тырёмась лымөн, куим кранись уджалö öтик. Не лесосекаын, не вывланись складын мийö эгö адззылö электрической пилаэзөн уджалом. Тракторрез тожö сулалöны. Тэ, ёрт Паинов, көть бы навес керин ны понда. Трелёвочной трактор öддьөн ценной машина, колö берегитны сийö.

Микитенко эз любит уна баитны. Но öни эз вермы видзсьыны, медбы не висьтавны быдöс сийö, мый сёлөн сёлöмас öкисе участокөттяс ветлөтикö.

— Мийö кылимö басни сы йылись, что тракторрез понда оз тырмы кыдзовой чурка. Вöрын пестөг. Да эта эд анекдот! Участокын механизмесö и джынсö озö используйтö. Ме ог тöд, кыз этö шуны...

— Может, головотяпствоён? — шуис Климов.

— Тянлö тыдалöжык. Тян, натьтö, быдöс участокезын сэтшөм положеннёс.

— Спасибо. А мый висьталан тэ, Галина Степановна?

Нылинёй видзөтыштіс инженер выlö, бытьтö корис сысянь отсөт.

— Техникумын миянөс велөтисö, кыз уджавны график сёрті. Тян Калиновской участокын

уджалоны графиктог. Быд бригадаыс только аслас план йылись заботитчө...

— Эта сідз, — шуис Климов. — Тодат я, мыйын сэтөн делоыс. Ме быдөс аслам олан дырни уджалі вöрын. Миян коми крайным — вöра край. Мийö, коми-пермяккез, челядь кадсянь вöркералиссез. Ме сякөйсö адззывлі. Совсем неважын вöрсö пöрөтлісö простöй пилаөн, петкөтлісö вöввезөн. Сыбöрын мыччисисö лучковöй пилаез. Вöлөс вежисö автомобиль да трактор. Куим-нель год бöрлань меным висьталісö бы трелёвочнöй лебёдкаез йылись, вöрын көрттуй йылись, диковиннöй машина—трелёвочнöй трактор йылись, ме эг бы верит, сэтшöм баснисö шуи бы фантазияөн. А öнi?!.. Но, тöдатö, техника вежсьöмкөт тшöтш колö и уджсö перестраивайтны, отирсö мөдпöv велöтны. Миянлö колöны специалисттэз, а вот нiя миян кытчöдз озö тырмö. Тийö, ёрттэз, миян лесопунктын, кыдз баитсьö, первöй косатка...

Тöвся луныс дженыт. Эшö квать часыс эз вöv, а шондi лэдзчис ни ылись вөр сайын.

Быдөс делозсö кончитöм бöрын Климов да том техрук мунисö Гариö, а Тотьянинасö колісö участокын.

Вöv перыта гөнитіс юж туй кузя. Копытаэз увтісь лэбзисö лым комоккез. Ылісь вöррез весьтын югйöвтіс öтик звездаок, мөдік. Пемытлöz небоын бытшöма тыдаліс Большöй Медведица, а сыбöрын звездаэс мыччисисö сымда, что вылынінас нысянь лоис дзескыт. Пуэзсянь туй вылас водісö причудливöй лöz вуджöррез. Вöv ныр увтöt вирдыштіс көч и öдззис көтöртны туй кузя одзлань. Кучер горötіс, öвтыштіс вожжизöн, и пондötчис бöбись одзасьöм. Хитрöй көч вдруг öшис, дзик шучкөп му пышкас вотыштіс.

— Стой! — горөтис Климов.

Кучер сувтөтис вөвсө.

— Чеччы. Невна подөн котөртыштам, а то кынмам. — Климов кокнита чеччөвтис лымө. Сы сьöрын чеччис и Микитенко.

Ния сьöрсьөн-бöрсьөн пондисö котөртны под-
водаыс сьöрын. Недыр мыйись кыкнанныслö
лоис шонит, тувдөм коккезныс ловзисö.

Первöй атшалис Климов.

— Сувтчы! Вася, стой!

Кынымкө час бöртi, дзикöдз кыномөмөсь, ния
пырисö Гари посёлөкө. Көр жагвыв мунисö
көрттуй полоотно вылөт, тупикын казялисö кык
паровоз.

Кызд только локтисö лесопунктö, Климов
чөвтчытөг сибөтчис телефон дынө и корис
депоись начальникöс. Локтис кузь дзор уссэза,
кватьдас год гөгöрся, бура пасьтасьöм морт.

— Борис Викентьевич, — юалис Климов, —
мыля 112-öй да 58-öй сулалöны тупикын?

— Ме не öтпыр ни баитли тэныт, Василий
Ильич. Кös пес абу. Немөн паровоззэсö шонт-
ны.

— Мыля пес абу? Босьтö кыззовöй пес. Сия
нельки улыыс бура сотчö.

— Ежели кыззовöй пес, ме абу против,
Василий Ильич.

— Мый эта лö: абу против? Мыля ачит эн
казяв босьтны кыззовöй пессö? Мыля Калинов-
каись көсö одö вайö?

— А мыйөн ваян? Паровоззэс сулалöны.
Мороз, Василий Ильич, ачит тöдан кытшöм,
уль пенса паровозсö он вöрзьöt местасис.

— Быдöс эта сказка, Борис Викентьевич.
Көр сёжö паровоззэс пондасö ветлыны?

— Кызд тшöктан.

— Асывнас вит часö! И кыкнан паровозыс.

— Ладно. Вит час кежӧ кыкнан паровозыс лосӧ готовӧсь вӧрзъыны туйӧ.

Депосъ, начальник не тэрмасьӧмӧн петис кабинетсис.

— Тожӧ инженер! Мый меным ныкӧт керны? Велалӧмась кокнитика уджавны. Паинов шляпа, эта—ачыт адззан. Колӧ, Георгий Алексеевич, мӧдиккезӧс ны туйӧ кошшыны.

— Ог вежӧрт: газочурка абу, кӧс пес абу...

— Мый сэтӧн не вежӧртны: гожумнас абу заптӧмась.

— А мыля эзӧ заптӧ? Тэ ачыт мый думайтӧн? Тэ эд лесопунктись начальник! Давай байтны веськыта. Вот мӧдиккезӧс тэ обвиняйтан, что нылӧн абу инициатива. А ачыт? Топливо йылись вопросы менӧ ӧддӧн интересуйтӧ кызд лесопунктись технической руководительӧс, ӧрт начальник...

Климов добродушнӧя серӧмтчис...

— Адзза, мийӧ тӧкӧт бура пондам лӧсявны, Георгий Алексеевич. Ачым ме татӧн неважын. Мӧдик неделя вӧлись ола Гариас.

— Простит, Василий Ильич! А ме думайтӧ...

Кӧр начальниккез мунисӧ, Паинов уськӧтчис бухгалтер вылӧ:

— Бӧра кляпчаас сюрӧтӧн менӧ, пӧрись чорт, аслат туримольӧн. Хитритан, а меным сивиама кышасьӧ... Только пызан вылас вайисӧ жаритӧм лось яй, сэтчӧ пырӧ повар, мед сылӧ кӧздыны, тӧнат настойкаӧн. Тянлӧ, шуӧ, служебнӧйӧ али командировочнӧйӧ? Инженер оз вежӧрт, мый эта лӧ, а повар, кызд нем абу и вӧвлӧм, объясняйтӧ: „Командировочнӧй — полтора ста, а служебнӧй — двести“. Сэтӧн ковсис ни аслым мыйкӧ висътавны. Туй вывсяняс,

шуа, кӧдзыт ӧтӧрас. Инженерыс кызд видзӧтас ме вылӧ. А поварыс бытьтӧ слепӧй. Сувтӧтӧ ӧрдӧм графинсӧ пызан вылӧ.

Галя Тотьянина, кӧда пукаліс неылын бухгалтер дынсянь, горӧн серӧмтчис.

— Тэ, ныліньӧй, эн серав!

— Кызд сэтӧн он серав? Юалам: кинлӧн настойкаыс? А повар шуӧ: „Миян главбухлӧн“...

Пондӧс звонитны телефон, Паинов босьтіс трубкасӧ.

— Кывза! Часӧт тшӧкта доддясьны.

— Кытчӧ, Иван Иванович, ойнас мунан? — юалис бухгалтер.

— Гариӧ! часӧт только татӧн вӧлісӧ, а ӧні дынаныс корӧны. Сэтӧн мыйкӧ эм. Бурсӧ эн видзчись.

— Лӧгасис, — шуис бухгалтер, кӧр Паинов мунис. — Лӧггес вылын ва кыскалӧны. Не бы ме, дак Иван Ивановичыс, конечно, эз бы вермы уджавны участкас. Вот, шуам, тӧкӧт случай. Локтін тэ миянӧ, а вот квартирасӧ тэныт некин эз лӧсьӧт. Иван Иванович оча чунь эз кер. Кытчӧ вот ӧні тэ мунан узыны? Туримолись настойкаыс эта мый! Медодз колӧ морт йылісь думайтны. А Иван Ивановичыс этӧ нем туйӧ лыддӧ. А меным мый? Менам дело учӧтик. Пӧднала картотекаыс да муна гор-тӧ узыны. И сӧсся меным нем дорӧдз дело абу. Но ме не сэтшӧм мортыс. Талун нуӧта тэӧ приезжӧй квартираӧ, а ашын комната адззам... Нет, батя! Метӧг Иван Ивановичлӧ не уджавны.

Галялӧн куньсисӧ синнӧс. Сунасикас сія кывзіс стариклісь бобгӧмсӧ. Лунтырӧн Галяыс ӧддӧн мыдзис.

— А может ме татӧн, диван вылас...

— Нет! — эз согласитчы бухгалтер. — А вдруг Василий Ильчыс тодас! Бёра эд мянлө павкас. Да и контораас оз туй.

Отöрын электрической би гусялис Галялис синнэсö. Сылö кажитчис, что вына лампийнэз не только югдötöны вöрзаптиссезлис таёжнöй посёлөксö, но и ас гөгöраныс индöны тепловöй волнаэз. И Галя муникас лэдзис пась воротниксö.

Посёлөк гөгöрын отвывса стенаөн сулалисö стогодея пожуммес, кöдна отлаасисö асланыс уввезөн. Вöрзаптиссезлөн керкуоккес бытьтö сулалисö бура югдötöm пыдын котлованын гигантскöй крепостнöй стена сайын. Омөн вöли торжественнöй лөнь.

Небын ойланысь ладорас вдруг öзйис быдрöма би. Югытзелёнöй, веж, гöрд столббез кутисö джын небосö. Севернöй сияннө и электрической биөн тыртöm вöрись посёлөк сидз дейстуйтисö Галя вылö, что сия быдöс йылись вунötис: и мыля сия татөн, и кытчö муно. Сия готов вöли, местаись вöрзётчытөг, ойбыт сулавны татөн.

Ойся лөньсö вдруг дзугис паровозлөн свисток, паныт сылö шыасис говк.

Асывнас, эз ешты эшö буржыка югдыны, Галя Тотьянина локтис вывланысь складö.

Отик бöрсянь мöдик локтисö рабочöйез и югдöмсö видзчисикö пуксисö костёррез дынö.

„Мымда ценнöй древесина öшö весьтöмись“, — думайтис Галя, көр видзötис, кыз рабочöйез чапкалöны костёррезас пуэзлис кыз дыннэсö да йыввесö.

— Оз разь туй сотны только уввез, а энö отходдэсö пилитны пес вылö? — юалис сия погрузкансь мастерлись.

— Мыля оз туй. Да вот бедаыс: увланысь складё керресё кыскалом понда транспортыс оз тырмы. А песнас совсем затор лоас.

— А ежели пөрөтөм пуэсё орлавтөг, быдсөн кыскавны Гариё и сэтчин вёлись орлавны?

— Мыйкё ме эг кывлы сэтшөм делоыс йылись.

Первöй трелёвочной трактор иньдөтчис волок кузя вөрө. Пондис сывны первöй электропила. Усис первöй пөрөтөм пу.

Удж вёлись ештис пондөтчыны, а öтик трактор вайис ни пуэзөн первöй додь. Чокеровщик мездөтис нийö, и трактор сувтывлытөг мунис мөдик додьла.

Галя казялис, что мукөд тракторрес и öтик рейснас эзö ештö керны, а эта ыджытöсь вит додь ни вайис площадка вылас.

Гажөн тринөтисö уввез суййиссезлөн черрезныс. Вижгөмөн мөртчөтчисö смолаа пуэзö электрической пилаэзлөн лэчыт пиннезныс. Готовöй керресö рабочöйез тарлалисö вагонеткаэзö и вайөтлисö нийö железнодорожной платформаздынö.

Галиевлөн сезонниккез-грузчиккезись бригада уджалис киэзнас. Кыдзовöй лёжкаэз кузя ния тарлалисö керресö платформа вылө. Не öддьөн ыджыт керрезөн ештөтчисö кык рабочöй. Но джын метр кыза керрезөн пессис быдөс бригадыс. Плошадка вылын быдмис виль вөрись быдса бунт, лоис затор, көть и грузчиккез уджалисö четкөя да дружноя. Ния важын ни чөвтисö полушубоккезнысö, уджалисö кеписсезтөг öтик ватникаось. Мөдик грузчиккез ордчөн Галиев бригадокөт погрузкасö керисö кранөн. Галя төдис, что öтик сэтшөм кран вермас вежны рабочöйезлись кынымкө бригада. Но, көр Галя сибөтчис матөжык, погрузочной площадка вылын сия казялис керресö только суточной запас.

— Давай, Маруся! — горөтис крановщицалө өтiк рабочöй.

Кранлөн стрела жагвыв лэбтисис вывлань, сувтчис. Минута бөрти сiя невна бергөтчис круг пөлөн и бөра сувтчис.

— Давай! Давай! — горөтлiсö крановщицалө. Стрела жагвыв өшөтчис керрезись бунт весьтö. Секунда бөрти лэдчисис крjок. Рабочöйез не тэрмасьöмөн кышалiсö кер.

— Лэбты! Онмөссин я мый я?

Лебедка пондiс сяркөтны, крjок пондiс жагвыв лэбтисьны, кер янсалис му бердись. Стрела лэбтисис. Кер беспомощнöя дjутчисис воздухын. Рабочöйез видзыштлiсö сiйö багоррезөн.

— Эшö вылынжыка лэбты! Бергөт!

Вөлись пуыс лоис вагонетка весьтың. Бөра кылис горөтөм:

— Лэдз! Невна веськытлань!

Стрела иньдөтчис шульгалань.

— Мый керан? Он я мый я адззы! Веськытлань! Веськытлань!

Галя видзөтис часы вылө. Öтiк керсö грузитiсö вит минутася дыржык. Сiя юалис пөрись рабочöйлiсь:

— Кытись тiян сэтшөм крановщицаыс? И мыля тэ командуйтан сiйөн?

— Кин сiйö төдö! Неважын Паинов назначтiс. Адззылiн: оз төд, кытөн веськытланись, кытөн шульгаланись ладор! Миянөс Галиевлөн бригада одзалис, а грузитöны машинаэзтөг, киэзнаныс.

— А тiян коласись кин-нибудь вермө уджавны кран вылын?

— Гриша вермө. Григорий!

Сибөтчис даскыкьямыс год гөгөрся, топытик вывтыра, рыжöй зонка. Гөгрөса чужөм вылас сылөн гажөн югьялисö векнитик синнэз.

— Верма уджавны кран вылын, — сразу пондiс байтны сiя. — Ме ремесленнöйö кончитi. Мийö морт-мöд татчö локтiм.

— Маруська, лэдзчы! — горötic кинкö рабочöйез коласiсь.

Крановщица лэдзчис кран вывсис и стыдитчöмөн сибötчис Галя дынö.

— А меным кытчö?

— Мöдик удж вылö иньдам. Тэ разь некөр эн уджав кран вылас?

— Талун витöдз лун. Некин эз объяснит, а грузчиккез только видчöны. Ме корси счето-водөн уджавны, а менö кран вылö сувтöticö...

Көр виль крановщик пуксис аслас местаö, сылö кыз одзжык жö пондiсö горötлыны:

— Давай! Давай!

А сiя паныт:

— Командуйта ме!

Сiя кранлiсь стреласö валькыта вайötic керрез весьтö, лэдзис крjксö да гажөн горötic:

— Кышалö! Онмöссит я мый я?

Рабочöйез сералöмөн кышалiсö кер. Крановщик лэбтiс сiйö и точнöя лэдзис платформа шөрö. Эз ештö рабочöйес садясыны, кыз кран вылiсь бöра кылис команда:

— Мый тiйö сыдырна гуддисят? Давай, давай! Перытжыка вөрötчö!

Ордчөн уджалiс лебедка. Вына машина лэбтывлiс платформааз вылö не öтикөн, а сразу кынымкö пуөн. Лебедкасö обслуживайтiсö куим рабочöй, но грузитiсö нiя кыкись перытжыка Галиев грузчиккезся да кран вылын вит рабочöйся.

Öтик бöрсянь мöдик иньдötчисö грузитём платформааз стрелка вылö, кытөн маневровöй мотовоз формируйтiс ни очереднöй состав.

Рытнас Галя пырис контораö.

Паинов, кōда ойнас муни́с Гарио́, сё эшō эз лок. Контораын сы пызан сайын важнōя пука-лис бухгалтер да лыддѳотис газета. Сы одзын сулалис спецовкаа нывка да корис:

— Вай миянли́сь окружнōй газета. Тэ ештан эшō лыддѳотны, а меным некѳр. Тэ коми кывсѳо он эд тѳд.

— Ог сет. Эна газетаэс конторалѳн. Тиян газетаэс краснōй уголокын. Галина Степанов-налѳо позѳѳо, а тэныт оз... Лыддѳотан газетасѳо, Галина Степановна?

— Спасибо. Ме лыддѳоти́ ни, — перыта шуис Галя.

Сийѳо пондис интересуйтны спецовкаа ныв-каыс.

— Сидзкѳо, тэ коми-пермячка? — юалис сия.

— Мыйнѳо.

— Ме тожѳо... Менѳо шуѳоны Тотьянина Га-ляѳн.

— А менѳо Мизяева Наташаѳн. Ме уджала электростанцияын механиклѳо отсалисѳѳн. Мыля нѳо ме одзжык эг пантавлы тэно́?

— Ме тѳн вѳли́сь локти́.

— Мунам, Галя, миянѳо, — шуис Наташа. — Неылын тасянь. Гортын быдѳс йыли́сь бай-там.

— Небытшѳѳм кызкѳѳо, — пондис откажитчыны Галя. — Лучше краснōй уголокѳо мунам.

— Краснōй уголокыс абу. Только ѳтик вы-веска ѳшалѳо.

— А кытшѳѳм краснōй уголок йыли́сь байтис бухгалтерыс?

— Сералѳо. ѳни́ сэтчин пизь видзѳоны.

— Мый йыли́сь тийѳо байтат? — юалис бухгал-тер.

— Погоддя йыли́сь, — паныт шуис Наташа. — Мунам, Галя!

Муніканыс нывкаэз өдззисö баитны. Нылөн уна вöлі общöйыс. Кыкнанныс комсомолкаэз, велöтчисö öтiк городын — Галяыс леснöй техникумын, Наташаыс курсэз вылын трестын. Кыкнанныс радөн кутчисö асланыс удж бердö.

— Думайтны он вермы, — радөн баитис Наташа, — мымда техникаыс лоис вöрас медбöрья годö! Недыр мыйись леснöй производвоыс мян лоас самöй передовöйөн. Мийö медчастливöй морттэз, что шедим татчö сэтшöм кадö. Ме сiдз любита вöрсö, что некөр и некытчö ог мун татись. Сета честнöй кыв! Буди велöтчыны, а сыбöрын бöра татчö локта. Обязательно.

Сибöтчисö неыджыт керкуок дынö. Ыбöссö нылö осьтис старушка.

— А ме гöстяös вайöти, — висьталис мамыслö Наташа и, Галя дынö бергöтчöмөн, пондис висьтасьны:

— Чулалöм годö мийö быдсөн семьяөн Калиновкаö локтим овны. Айös война вылын вийисö, мамö пöрись ни. Сiдз и этадз колхозын уджавны оз вермы. Вонö тожö техник. Сiя трелёвочнöй тракторөн уджалö.

— Не техник, а инженер-механик, — кылис шутливöй голос.

Кухняö пырис паськыт ана, неыджыт мыгöра, топытик зонка. Юр вылас читкылясис тшöк сьöd юрси.

— Эта менам вон, Ваня.

— Талун адззыли тэнö вывланись складын.

— Нем татөн баитны, — панöвтис вонсö Наташа. — Мунö комнатаö. А меным миссьыны колö. Адззат, кытшöм ме...

— Сапучейка, — шутитöмөн шуис Ваня.

— Мыля сапучейка?

— Сiйөн что са кодь.

Ваня бөрүн Галя пырис столовйё.

— Пуксы, Галя, — корис Ваняыс. — Кыт-чөдз Наташа миссьё, мамё самовар пизьё-тас.

Комнатаын вөлі чистота и порядок, пызан-нэз вылын ольсалёмось лым кодь чочком пы-зандөраэз, джоджын — половиккез. Угёлын сулаліс, клеёнкаён вевттьём, виль мотоцикл, книгаэзён атажерка вылын — ыджыт радио-приёмник.

— Тэныт, Галя, гленитчө миянын? — юаліс Мизяев.

— Öддьөн! А участокыс немымда оз гленитчы.

— Мыля сідз?

— Мөйму ме татён жё леспромхозас вөлі практика вылын, только мөдік участокын. Сэт-чин и машинаэс совсем етша вөлісё, а буржык вөлі, нежели тиян... Калиновкаын не быдөс машинаэсё используйтёны, а көдна уджалёны, ны съёрын озö видзётö. Сімёны, петёны стройись. Да и рабочөйес озö кужö уджавны механизмезнас...

Галя буржыка видзөтис Мизяев вылө и сылө усис төдвылас, что кытёнкө адззыліс сійö талун.

— А тэ не сія тракторён уджалан, кёда асывнас первөй пондөтис трелёвкасö?

— Самөй сійөн.

— Кыдз жö тэ верман лесосекаö вальщик-кез локтытөдз пуэсö трелюйтны?

— Мийö рытсаянь заптам. Асывнас, кытчөдз мөдіккес өдззөтчөны, мийö заданнелісь мөд джынсö ни тыртам.

— Мыля мөдіккес сідз озö керö?

— Сійөн что өтік өтөрö кыскö, мөдік — мө-дөрö...

Пырис Наташа чистой платьеа, волькыта сыналём юрсиа.

— Вот и ме! Одва верми содаён сасо му-
нотны.

— Оудбён тай бытшөма миссьөмыт, — сера-
лөмөн шуис Ваня. — А рожабанат съод пятно.

— Кытөн? Мый бөбөтчан!

— Видзёт зеркалоас.

Наташа сибөтчис зеркало дынө.

— Вот и бөбөтин! Отик пятноок абу. Тэнө
бы сувтотны менам удж вылө, пыр бы ветлө-
тин, кыз трубочист... Мый йылись баитат?

— Сө сы йылись жө. Поточной график йылись.
„Мый жө сия неправда баитө, — думайтыш-
тис Галя. — Графикыс йылись кытчөдз и бас-
ни эз вөв“.

— Мийө Ванякөт да эшө мукөд челядь-ком-
сомолецез решитим сетны предложеннө, мед
быдөс Калиновской участоксө вуджөтны по-
точно-комплексной график вылө. Вот Иван
узбө — и потоксө вөтын адззө. Нывкаэзкөт
танцуйтө и висьтасьө нылө график йылись.
Шед меным сэтшөм кавалер, дак ме сылө... —
шуис Наташа.

— Сэтөн он мөд да бөбсялан, — серьёзная
висьталис Ваня. — Одзжык уджалим лучковой
пилаён, а они механизмез. Отирсө колө гото-
витны, уджсө совсем вильмоз организуйтны.
Заводдэзын эм комплексной уджас ыджыт
опыт. Колө только этө опытсө пыртны миян
производствоө, сэк деловыс совсем мөднөж бер-
гөтчас. Видзчисьыштө невночка. — Ваня ось-
тис шкап, кыкис сэтчинись да пунктис Галя одзө
пызан вылас кыз папка.

— Мый эта?

— Калиновской участокын комплексной
удж йылись предложеннө.

— Ме тожō думайтi этa йылісь! — горōтiс Галя. — Ōддьōн интересно...

Галя кольччис узьны Мизяеввез ордын. Сiя дыр эз вермы онмōссьыны. Сiя рад вōлі, что участкас эмōсь сэтшōм бур челядь, кыз Наташа да Ваня Мизяеввез. Эмōсь, натьтō, и мōдик бур ёрттэз. Обязательно эмōсь.

МŌДИК ГЛАВА

— Инициативасō колō кольны калиновскōй комсомолецез сайын, — висьталiс Микитенко.

— А тэнат проектс?

— Кыкнан проектсō ōтлаōтны абу сьōкыт. Нылōн уна эмōсь сэтшōм практическōй предложеннēэз, кōдна менам абуōсь. Нiя бура уджалōмась. Колō ветлыны Калиновкаас да ōтiкō-мōдикō уточнитны.

— Но дак мый, ась лоас сiдз, — шуис Климов.

Ыбōс ванйōв оссис. Кабинетас тэрмасьōмōн пырис сьōд юрсиа, гōгрōс чужōма, косōй сина да невна ляпкōса ыджыт ныра Ахазов. Шапка-ушанка увтiсь мыччисис дзормыны пондōм юрсн.

Ахазов локтiс леспромхозас армияись демобилизуйтчōм бōрын. Сiйō назначитiсō лесопунктiсь начальниклō кадррез сьōрти отсалiсьōн, коммунисттэз сiйō бōрйисō парторганизацияō секретарьōн.

— Ме дынын пукалō ōтик работница. Кага сылōн пондōма шогавны лѣгкоэз воспаленнēōн. Колō Поймаō кыскыны, а вōввез быдōс уджалōны. Разрешит, ёрт начальник, доддявны Вулканōс.

— Норовит, Андрей Емельянович, — дугдөтис сийö Климов. — Миян сэтöя серьёзнöй дело.

— Ой-ой, мый баитан! Кага шогалö. Больницаö колö. Самöй серьёзнöй дело.

Ахазов сибötчис телефон дынö и начальник нимсянь прикажитис часöt жö доддявны Вулканöс да локны контора дынö, медбы работницасö шогались зоныскöt нуötны больницаö, Поймаö.

Сыбöрын сия шыннялöмөн пуксис Климовлö паныт да юалис:

— А тиян кытшöм серьёзнöй делозз?

Ахазов куньыштитис öт синсö да лукавöя видзöтыштитис начальниккес вылö, сыбöрын бумагазöн папка вылö, кöда куйлис пызан вылас.

— А ме тöда этö проектсö. Комсомолын адззыли. Мый думайтат керны?

— Колö чожжыка уточнитны проектсö да обсудитны сийö производственнöй совещаннё вылын, — шуис Микитенко.

— Не сидз. Ась перво коммунисттэз обсудитасö партийнöй собраннё вылын, а сыбöрын вöлись производственнöй совещаннё чукöртам.

Ашынас одз асывнас УЖД — узкоколейнöй железнöй дорога диспетчерскöйö пырис Микитенко. Чугуннöй печка дынын шонтисисö паровозниккез. Аппарат дынын сразу кык телефоннöй трубкаö горөн баитис диспетчер, шоныт ватнöй паськöма нывка:

— Калиновка! Калиновка! Мотовоз петис усись? Кыкдас куйм минута бöртилэдза 212-йö порожнякөн... Мый? Ог кыв!

Диспетчерскöйö, ыбöсö бура гымнитöмөн, пырис Ахазов.

— Здорово, ёрттэз! Тэ татён ни, ёрт техрук? Диспетчер! Рельссэз вылись огё чеччөвтө?

— Мый тэ, Андрей Емельянович! Порожняк-нас. 112-ын помощникнас тёдан кин? Борис Смирнов.

Сибөтчис поезд. Нывкаыс мунис телефонной аппараттэс дынись и тэрмасьбөмөн петис поезд дынө. УЖД вылын диспетчер — этө не только диспетчер, но и станцияын начальник и станцияын дежурной.

Лымөт келөмөн паровоз дынөт муникө Ахазов здоровайтчис зонкакөт, кёда видзөтчис паровозной будкаись:

— Здорово! Мый висьтавыны калиновской комсомолецезлө?

— Паинов нылись мырддис красной уголок, Андрей Емельянович. Байтис, что недыр кежө, а ачыс неделя ни некинөс сэтчин оз лэдз. Отсалө челядыслө.

— А тэ ачыт, комсомольской секретарь, мый видзөтан?

— Ме пондi воуйтны, да отсөт меным колө: Паиновыс асныра мортис.

Кылис паровозлөн пеллез чанөтан свисток. Ахазов пондiс тэрмасьны вагон дынө.

Микитенко сулалис тормозной площадка вылын состав шөрас. Сылөн спутник пондiс кайны площадка вылас көр поездыс вөрзис ни.

— Көр-нибудь орлалас коккетө, ёрт Ахазов, — кисө сылө нюжөтикө горөтчис Микитенко.

— Нем оз ло. Ме биын ог сотчы и ваын ог вөй. Поезд пондiс мунны сё перытжыка и перытжыка. Минута бөрти сия лэбзис ни, кыз курьерской.

— Лихачество! — лөгөн байтис Микитенко. — Ковсяс предупредитны.

— Нем оз ло, — лөнъсьотіс сійо Ахазов. — Порожнякөн позьо, а тыраён — оз туй.

Открытой платформаз вылын чеччалісö разгрузка бöрын шедталом кызовой стойкаэз. Öтик стойка, ордча платформа вылын, тарöвтчис сё матöжык и матöжык борт дынас. Эшö öтпыр тöйыштöм — и сія усяс колесо увтö.

Ахазов, көть и вермис мезмыны да усьны вагоннэз коласö, чеччöвтис эта платформа вылö да бура чужйöмөн чапкис стойкасö лымö. Сыбöрын, кыз нем эз и вöвлы, пондис крепитны мöдик стойкаэсö.

Калиновкаөдз локтисö благополучнöя. Ахазов, а сы сыбöрын и Микитенко мунисö поездыс одзö.

— Оборин!

Паровозной будкаись юрсö мыччис машинист.

— Көр ветлан порожнякөн, видзöтлы стойкаэз сыбöрын, — висьталіс сылö Ахазов.

— Мыйлö? Эта не менам деловис. Да и, веськыта кө висьтавны, менам вöлокö одзас гөнитö. Мыйись мый лоас кө, дак ловья кольчча. А порожняксö меным абу жаль.

— Порожнякнас и отир ветлöны.

— А эн ветлы. Тіянöс, шуам, ме эг тшöкты пуксьыны. Асьныт пуксит...

— Мунам, ёрт Микитенко. Ме важын баита, что 212-йö машинистнас колö сувтöтны Борис Смирновöс. Железнодорожной школа кончитис, кык год паровоз вылын уджалö. Оборинся не умöльжыка тöдö машинасö.

Производственной участок контора посöдзын нійö панталіс Паинов.

— Здорово, ёрт Паинов! — здоровайтчис Ахазов. — Час бöрті понда чулöтны беседа красной уголокын. Мед вöлі порядок.

Паинов сувтчылöмөн паныт шуис:

— Ёрт Ахазов... миян... менам...

— Тыдало, сорасин. Часджын бөрті понда чулөтны беседа красной уголокын. Вежөртін? Мун, выполняйт.

— Ёрт помначальник...

— Ог кывзы! Кер мый тшөктисө, а то часөт ачым муна красной уголкас.

Көр Ахазов да Георгий Алексеевич завтрак бөрын локтисө красной уголокө, сөтчин быдлаын вөлі чистота. Джодж, миськалом, пызан выло ольсалөма гөрд пызандөра, бытшөмика тэчөмөсь газетаэз и журналлэз. Паинов кыскис шкапись шахматтэзөн коробка.

— Ачыт заведуйтан красной уголокнас? — сералөмөн юалис Ахазов.

— Нет, заведующийыс уджалө вөрын. Тэ тшөктін менө порядок керны. Кажитчө, быдөс бур.

Ахазов вишкыштіс нырнас.

— А мыля пөдөм пизьөн нырө вачкө? Ёрт Паинов! Если эшө көть өтпыр красной уголоксө пөртан складө, пондан ответ видзны партийной организация одзын.

— Мый керны, Андрей Емельянович, если помещенвэс озө тырмө.

— Контораын, аслат квартираын, көть кытөн кер складсө, но не красной уголокын. Мунам вөрө!

Муникас Ахазов кежаліс магазино. Эна уджалан чассэзө магазинас некин эз вөв. Только кык женской споритисө продавецкөт:

— Ачыт пу перловөй крупасө, ежели тэныт нем керны. Миянлө мөдік крупа колө...

— Перловкася мөдік крупаэз абу я мый я? — юалис продавецліс Ахазов.

— Эзө вайө,— паныт шуис продавец.— Не өткодь разь, кытшөм крупаныс...

— А вот и не откодь,— висьталіс өтік небиссез коласісь.— Перловөй крупасө дыр колө пуны. А мийө быдөннүм уджалам. Көр пуныт? Гариын складас эм рис, зөрөвөй крупа, маннөй. Мыля одө вайө?

— А немөн вайны.

— Мыля немөн?— лөгасис Ахазов.— Көрттуй кузя позьө. Колө юр вемнат вөрөтыштны, өрт продавец... Шонит кеписсез эмөсь?

— Нем нылөн абу,— өтдруг пондисө баитны кыкнан небиссыс.— Лайковөй перчаткааз вузалөны. Асьныс ась новйөны нийө...

Микитенко корис продавецлісь:

— Вайө пачка „Беломорканал“.

— Миян только „Севернөй Пальмира“.

— Ладно.

Но көр сія осьтіс коробкасө, нырас вачкис сісь дуксн. Дона папиросаз багсялөмась. Микитенко лөгасьөмөн чапкис папиросазсө прилавок вылө да корис махорка.

— Миян только нюхательнөй. Курительнөйсө эзө вайө.

— Но кыз нө тийө торгуйтат?— дивуйтчөмөн юалис Микитенко.— Плансө тыртат?

— Бокөттяс.

— Кылан, Паинов? — участокись начальник дынө бергөтчөмөн шуис Ахазов.— Тэ немымда он заботитчы вөрзаптиссес йылісь.

— Мый ме сэтөн, Андрей Емельянович. Эта ОРС-лөн делосыс.

— А тэ контролируйт. Тэ эд участкас начальникыс.

— Мый нылө!— бөра пондисө шумитны женскөйес.— Нія рысаккезөн Гариө и Поймаө ветлөны. Быдөс, мый колө, сэтчинісь вайөны. Нылө мый! А миянлө денъгасө некытчө видзны. Заработок бур, а небны нем. Меным

самовар колё, электрической плитке, радиоприёмник, зеркало, а ния подковвезён торгуйтёны...

Женской мыччаліс кинас угёлын ыджыт ящик вылё, кёдаын былись тыр вёлісё подковвез.

Көр куйманнныс петісё магазинсис, Ахазов бёра пондіс баитны:

— Эшö öтпыр висьтала, он заботитчы тэ вёрзаптиссес йылісь, Паинов. Ковсяс ответ видзны... Общежитиенын сушилкасё оборудуйтисё?

— Оборудуйтисё, некö.

— Тэ он тöд? А көр вёлі висьталёма керны? Мунам, проверитам.

Общежитиенын вёлі пемыт, уль. Потолок увтын, кыз чераньвез, вёлісё нюжлалёмось öддёөн уна геззэз, кытчö öшötёмось нямöттэз да ватниккез, медбы косьтыны.

— Да-а! Сідзкö, быдöс вамём паськёмыс асылөдз косьмö татөн. Сэтшöм сьökыт воздухын тиян, Паинов, шоччисьöны сезонниккез.

— Ог ешты быдöс сьöрын видзöтны, Андрей Емельянович. Менам основнöй задача — тыртны план.

— Тэнат, ёрт Паинов, и планнас не öддёөн бур,— шуис Микитенко.

— Сідзкö, ме умöль руководитель...

— Ладно,— шуис Ахазов.— Сьбöрын баитам. Мунам одзлань.

Георгий Алексеевич муніс одзас, ылö колис ёрттасö. Сылö кажитчис, что вот-вот чукыль сайсянь мыччисяс тöдса ныліньöй. Но туй вылас некин эз вöv. Вывланись склад дынын Георгий Алексеевич казяліс Галяös. Галя тожö казяліс сійö и пондіс локны паныт.

— Бур лун! Кытшöм шоча вовлан миянö. А ме гажтöмтчи.

Сыбöрын казяліс, что этö эз ков висьтавны, и лоис сёрьэзнöйöн:

— Одзлань оз туй уджавны сідз, кыз мийö уджалам. Миян механизмез весь сулалöны, а вöрсö грузитам киэзöн...

Ахазов и Паинов петисö вöрсис, öтамöдныс-лö мыйкö пыма доказывайтöмöн да киэзнаныс öвтöмöн.

— То некин абу, то быдöнныс,— шутитыш-тіс Галя.— Бур лун, Андрей Емельянович!

— Мастер бур, а лебёдкаыс умöль, оз уджав лебёдкаыс. Мыля сэтшöм простой?

— Тэ казялін ни? Вагоннэз эмöсь, пöрötöм пуэз абу. Мизяев öтнас трелюйтö, мукöд тракторрес заправкаын.

— Машинасö уджалікас жö колö заправляйтны. Кытöн нылöн газочуркаыс?

— Кöрттуй вылын,— горötчис Паинов.

— Неправильно! Газочурка должен лоны удж местаын.

— Эгö тöдö, кызз буржык лоас, Андрей Емельянович.

— Ме я мый я понда тиян туйö тöдны, ёрт Паинов?

Волокöt петисö сия местаö, кытöн пöрлалісö пуэсö. Öтик бöрсянь мöдик жагвыв пöрлісö плитöм пуэз. Ыджыт пожум дынö сибötчисö куим рабочöй. Пондіс сывны электрической пила. Ахазов лыддис:

— Öтик, кык, куим, нель, вит...

Пу шатöвтчис да водіс лымас. Пöрötіссез сибötчисö мöдик пу дынö.

— Öтик, кык, куим, нель, вит...

Вит секунда бöрті пöрис и эта пуыс.

— Ой-ой!—радöн горöтыштіс Ахазов.— Вöвлі, кыскалан-кыскалан пиласö садь быртöдз, шапка чапкан, кеписсез киись кыскалан, öтик

йөрнөсөн уджалан. А көзүс, кыз дуб. Пиласо зэлөтө, пильнойчаг сотчө. Час пилитан, кык час пилитан...

— Содтан жө, Андрей Емельянович, — сераломон шуис Микитенко.

— Вот тэныт ен, быдса часөн өтик пусө пөрөтлим. А өни — раз, два и басни абу. Поточно-комплексной линиясө организуйтам, сэк древесинаыс пондас локны, кызд конвейерөт. Вывланысь складө, увланысь складө, Камаөт, Волгаөт. Потокөн, өтик лентаөн пондас мунны великой стройкаэзө. Сэк мянлө ёрт Сталин спасибо висьталас. А кытчөдз — нем понда. Уджавны огө кужө, плансө огө тыртө.

Көр смена кончитис уджсө, Микитенко корис красной уголокө участкаысь руководителлезөс да проектлись авторрезөс.

„Кызд умөльтчөма Георгий Алексеевичыс“, — инженерыс вылө гусьоник видзөтликө думайтис Галя.

И былись, инженерлөн чужөм вылас бура төдчисө аннэз. Бөрлань сыналөм русой юрисыс өддьөнжык торйөтис кык чукура вылын кымөссө. Тшөк синкыммез увтсаянь свиттялисө вөйөм синнэз.

Галялө вдруг охота лонис сибөтчыны сы дынө да висьтавыны мыйкө ласковөйө, бурө. Но сия мышкыртис юрсө, көр кутис асьсө эта дума вылын.

Деловой басни видзчисикө Паинов Галиевкөт пуксисө орены шахматтэзөн.

— Сы понда, что тэ, ёрт Паинов, кык неделя красной уголоксө видзин пөдналомөн, получитан мат.

Паинов чожа проиграйтис партиясө.

— Правильно! — висьталіс Ахазов. — Эта тэ-
ныт умöль уджыт понда наказаннё.

— Андрей Емельянович! Годдэз чулалöны,
одззакодь энергияыс эз ло. Ме эд дас годөн
тэсса пöрисьжык. Тыдалö, кад ни кувны.

— Правильно! — горöтчис Ахазов.

Быдöнныс пондисö горөн серавны. Ахазов
перво эз вежöрт, мыля сералöны ёрттэс, а сы-
бöрын ачыс серöмтчис.

— Ладно. Давайте дело керны, — шуис сия. —
Быдöнныс ни локтисö.

Микитенко пондис висьтасыны проект йылись,
кызд участоксö вуджöтны поточно-комплексной
линия вылö.

Важын ни онмöссисö рабочöй посёлोकын
оліссез. Югдан одзас электростанция дугдис
сетны токсö, и Паинов öзтис керосиновой лам-
па. Пемыта сотчан би дырни одзлань обсу-
дайтисö проектсö.

Небын асыв ладорас мыччисис чочком ви-
зёк. Посёлок весьтöт уйис туман. Лоис невна
шоньтжык, но лэчыт төв нöбөтис шуч, йиджис
коскаэздз. Микитенко перыта оськаліс горөн
баитись нывкаэз да зонкаэз коласын.

Георгий Наташакöt пырисö Галя ордö, мед-
бы ужнайтны öтик пызан сайын.

Ужнайтöм бöрын Микитенко висьталіс ныв-
каэслö спасибо да пондис прощайтчыны.

— Кытчö тэ, Георгий Алексеевич?

— Муна контораö. Сэтчин невна шоччися.
Чожа асыв.

— Некытчö тэ он мун. Ogö лэдзö. Некытчö
огö лэдзö... Чөвтчы да вод диван вылас. Вот
тэныт одеяло, подушка. А мийö Наташакöt
водам öтлаын кровать вылö.

Микитенко дыр эз вермы онмөссыйны. Хлопотливой лун бөрүн майтис бессонница. Эзө узыё и нывкаэс. Ния мыйкө йылись гусьоник байтисё да сералисё...

Микитенко саймис, көр комнатаас вөлі югыт ни. Пызан вылись казялис записка: „Муним уджавны. Плита вылын завтрак. Ключ куйлө полочка вылын. Пөдналан — сет дежурнойлө. Галя“.

Өтөрын каттис-бергөтис лыма пурга. Микитенко эз и павкөтчы сёян бердө, петис.

Сук чочком туманын куим оськөв ылынаын нем эз тыдав. Туй өшис. Ковсис мунны веськыта.

Микитенкоёс вөтис электростанцияись механик, кёда вөлі быдсөн тырөма лымөн.

Механик оськалис ыджыт валёнкиэсё лымсис өдва лэбталөмөн.

— Мыля тэ он уджав? — юалис Микитенко.

— Адззан, кыз нөбөтө. Волоксё сідз тыртөма, что нельки тракторрез буксуйтөны.

Төвсё өдва вермөмөн ния локтисё контора дынөдз. Посөдзас пыркөтисё вывсиныс лымсё, пырисё помещеннё.

Механик өдва осьтис лымөн тырөм, сёкыт ыбөссө.

— Здорово, ёртгэз начальниккес! Кытчөдз пукалат сэтөн печка дынас, дак быдөс конторанытө трубаөдз тыртае лымөн. Трубаөт ковсае өтөрас петны.

— Миян простой, а тэнө, видзөта да, гажөтө,— шуис Паинов.

— Горзыны я мый я тшөктан? Вуджам поточной система вылө — содтөтөн пондам плансё тыртны.

Паинов сибөтчис барометр дынө да чуньнас тачнитис стекло кузя. Сьөд стрелка упрямөа мыччалис „буря“.

— Ббра луныс ошас. Мый гижам сводкаас? Ноль процент?

— Мыля ноль?— дивуйтчөмөн юалис бухгалтер.— Мийо төннэ лун понда экономитим сизимдас фэстметр.— Бухгалтер вештис счёты вылын кынымкө коскаок.— Плюс куимдасо босытам потолokiesь. Лоас сто фэстметр. Авансируйтчам ашыння лун понда. Сто фэстметр да авансон кыкьямысдас, лоас сто кыкьямысдас, а эта равняйтчө талуння число кезжө плансө тыртөмын витдас процентлө. Самой простой арифметика!

Паинов полөмөн видзөтыштитис нывкаэз вылө, көдна пукалисө контора угөлын, да лөгөн гусьбник шуис бухгалтерыслө:

— Чөв тэ, ылөстөм.

Механик мыйкө смешнойо висытасис нывкаэслө.

Паинов дузгыльтчөмөн горөтчис:

— Тэ, механик, гортат мун сказкаэсө висытасыны. А татөн контора. Вежөртны колө.

Старик эз лөгасы, кыз ськөт пыр вөвлі. Сія только сувтис, шөри янсөтис рыжөй тошсө.

— А ме некытчө ог мун,— невозмутимоя шуис сия.— Адзат, кыз бухгалтерыс тиян вылө синнэсө сувтөтис. Видзчисьны оз вермы, көр ни тийө вашөтат менө конторасис да отсалат сылө талуння лун понда сверхплановой уджлись сводка составитны. Вежөртит? А может эшө өтпыр висытавыны?

Паинов пондис бура кваркышавны синнэзнас. Сія мөдис висытавыны мыйкө паныт, но иньдөтис видзөтөмсө мөдөрө механикыс бытшкан синнэз дынись да не тэрмасьөмөн петис. Механик серөмтчис:

— Пышшис. Менө мөдис вашөтны, а ачыс пышшис.

Бухгалтер гажтөм чужөмөн, синкыммесө оча вайөтөмөн видзөтис кытшөмкө бумагааз. Механик вылө видзөттөг висьталіс:

— Тэ, Иван Сергеевич, мортыс не ни том, а он вежөрт, что мийө Паиновкөт просто шутитім. Шутитім. Кин веритас, что пурга коста участокыс уджаліс? Тэ шутитін том ныввезкөт, а мыля бы мянлө не шутитыштны?

Паинов пырис бөр. Сія вөлі тырөма лымөн.

— Погоддяыс буржык лоө, төлыс лөньө.

Сія сибөтчис барометр дынө да бөра тачкөтыштіс чуньнас стекло кузя. Стрелкаыс дрөгнитіс и совсем лэдзчисис. Быдөнныс пондісө серавны.

— Кыдз жө сідз? Погоддя лоө буржык, а барометрыс...

— Бөбөтчө тіян барометрныт,— шуис механик и, стеклосө босьтөм бөрын, вөрөтыштіс стрелкасө. Сія свободнөя өшаліс ось вылас.

Төв лөнис. Шонді югөррез, кымөррез коласөт орөтчөмөн, койыштісө лымөн тыртөм посёлок вылө. Железнодорожнөй туй кузя муніс снегочист. Сія лэбтіс небыт лымись өтмөдөрө столааз. Улицаазын мыччисис отир. Пондөтчис калиновскөй вөрзаптисезлөн сөрмөм трудовөй лун.

Гаревскөй лесопунктын открытөй партийнөй собраннө вөлі назначітөма выходнөй лун кежө. Калиновкаись мунісө вөввезөн ыджыт компанияөн. Посёлокөт гөнитісө төвчикөн. А посёлок сайын туйыс өшис. Пурга ровняйтөма сійө вылын столаазкөт., Первөй подводаись чеччис Галиев да пондіс мунны одзас бедьөн туйсө кошшикө. Көр сія сувтчыліс, одзись вөлыс журнас татшкисьліс сылө голяас да пыма лөлаліс, кыдз бытьтө баитіс:

— Эй, тә! Перытжыка вөрөтчы!

Керөсөт туйыс вөлі унаон буржык. Вөввез пондисө перыта гөнитны. Муниссезлө ковсис каттисьны тулуп воротниккезө.

Мунисө лунтыр. Рытъявнас лэдзчисө камскөй старицаө, кытөн береггезас вөлі Гаревскөй лесопунктлөн увланысь склад.

Ошыно Климов казяліс локтөм подводаэсө и шапкатөг, өтік кительөн петіс пантавыны гөс-сесө.

— Локтіт? Эдө кынтө нывкаэсө? Может, перво столовөйө тиянөс нуөтны?

Столовөяс, өбед видзчисикө, пуксисө чугуной печка гөгөр. Наташа чуть не самөй горас суйыштіс пимиэза коккесө, а Галя кыскаліс кисис испоткаэсө да пуктіс нийө калитчөм плита вылө. Пондис кывны сотчөм өвчина дук.

Обед бөрын быдөнныс сьөрсьөн-бөрсьөн инь-дөтчисө контораө.

Ахазов, кызд только локтіс аслас пызан дынөдз, сразу жө пуксис телефон дынө:

— Депо! Коммутатор, депокөт өтлаөт... Смирновөс колө. Чожжык! Здорово! Эн вунөт, что талун кыкьямыс часө открытөй партийной собраннө?

Ахазов эз лөнъссы, кытчөдз эз баит быдөс участоккезкөт.

— Весътөмись беспокоитчан,— шуис Микитенко.— Быдөнныс важын төдөны собраннөыс йылісь.

— Кызд не беспокоитчыны. Кин пондас ответсө видзны? Ме понда видзны ответсө. Пыр колө беспокоитчыны. Миян дело сэтшөм. Паинов эз беспокоитчы, дак өні Климов сийө йывдө.

Кыліс телефонной звонок.

— Ме телефон дынын. Но ме — сідзкө Ахазов. Школаын пес абу? А кытөн тійө одзжык вөліт, мый йылісь думайтīt? — Ахазов кизяліс пасьсө, пуктіс шапка.— Ме часөт, ёрттэз...

— Ой-ой! Сизим да джын час ни,— висьталіс Ахазов, көр локтіс бөр.— Мунам, ёрттэз, Василий Ильич дынө.

Паинов гөрд чужөма пукаліс пызан дынын Климов кабинетын да нервнөя сяткөтіс чуньнас пызан вылын стекло кузя. Климов, киэсө мышкас керөмөн, ветлөтіс кабинет кузя.

Ровно кыкьямыс часө осьтісө собраннө. Председательствуйтіс Галиев. Сія сетіс кыв Тотьяминалө. Галя сибөтчис пызан дынө и видзөтіс чукөртчөм отирыс вылө. Быдөс төдса чужөммез. Первөй рядсянь приветливөя шиньялө Ахазов, ордчөн Климов. Сылөн киас блокнот. Вон Наташа да Ваня Мизяеввез. Галя кутіс Георгий Алексеевичлісь шоныта видзөтөмсө, *небурика шинньөвтис и пондөтіс доклад.*

— Вөрзаптөмын уджлөн көркөся способбес важмисө, ёрттэз. Сэтшөм техника дырни, кытшөм мян эм өні, важмоз уджавны оз туй. Поточно-комплекснөй линияыс — этө только начало, и этө началосө долженөсь пуктыны мийө... Сы понда, медбы буржыка организуйтны поточно-комплекснөй бригадаэзлісь уджсө и пределөдз чинтны ценнөй древесиналісь отходдэсө, колө хлысттэз орлалөмсө вуджөтны увланысь складө, вывланысь складын киөн грузитөмсө быдсөн вежны механизированнөйөн. Эта понда мян эмөсь лебөдкаэз, электро-да парокраннэз... Увланысь складын строитам разделочно-сортировочнөй эстакада. И сэтчин пондам орлавны хлысттэсө сортименттэз вылө... Быдөс уджыс пуэз пөрөтөмянь и вывланысь складын хлысттэз грузитөмөдз пондас керсьы-

ны машинаэзён, график съёрті. Рабочёйез, кёдна обслуживайтёны механизмесё, составитасё единёй поточно-комплекснёй бригада...

Коммунисттэз внимательнёя кывзисё том докладчицасё. Медбёрын Галя висьталіс:

— Только миян Калиновскёй участокыс комплексно-поточнёй удж дырни луннас пондас сетны вёрсё не 150 — 200, а 700 — 800 фестметр, а круглосуточнёй удж дырни— джынсё сэтись, мымда ёні сетё быдёс Пойменскёй леспромхозыс!

Доклад бёрын лэбисё дасся унажык киэз. Быдённыслё охота вёлі сэк жё висьтавны ассиныс кыв. Председатель сетіс кыв содокладчиклё, инженер Микитенколё.

— Поточно-комплекснёй линия организуйтёмын комсомольскёй проект обоснуйтёма теоретическёя и подкрепитёма практикаён. Сійё оланё пыртём дырни некытшём техничeskёй трудносттез озё лёб. Главнёй затрудненнёыс— этё важ взгляддэз да привычкаэз. Но позьё чорыта висьтавны, что мийё кужам вермыны и этё препятствиесё.

Микитенко объяснитіс, кызд практическёя лоас вуджётёма виль система вылё уджыс, и пуксис пызан сайё.

Пондісё сетавны вопроесэз.

— Мый пондас керны грузчиккезлён бригада?

— Иньдётам строитны эстакада, а сыбёрын— олан керкуэз. Удж адззисяс.

— Кызд лоас заработнёй платаён? — юаліс Паинов.

— Кольччёны разряддэз, индивидуальнёй сдельщина и прогрессивка. Но бригадалён уджыс пондас оценивайтчыны сы съёрті, мымда лоас ректёма; (отгрузитёма) вёр. Лоасё случайез,

өддөнжыксө первөй луннэзө, көр кинлө-нибудь мукөд коста ковсяс уджавны и не аслас специальность сьөрті. Бригадалө ковсяс иньдөтны вынсө отстающөй местаэзө.

— А ежели ме, шуам, тракторист?

— Ковсяс кө, то позьө пуксьыны и электрокран вылө, босьтны киө электропила.

— Сідзкө—профессияэз совмещайтөм?

— Заводдэзын важын ни применяйтөны профессияэз совмещайтөмсө, а мян мыля оз туй?

Паинов бөра юалис:

— Не өддөн вежөрта, мыля буржык орланы хлысттэсө увланысь, а не вывланысь складын?

— Вывланысь складас дыннэз, кыз пу йывез, ыджыт уввез сотөны костөррезын, сійөн что увланысь складө отходдэсө торйөн кыскалөмыс сулалө донөнжык асьныс отходдэзся. Эстакада пондас примитны хлысттэсө быдөс участоккезись. Отходдэс мунасө песө, газочуркаө... Хлысттэзөн погрузкасө да выгрузкасө механизируйтны кокнитжык...

— Ёрт Микитенко, — панөвтис инженерөс председатель. — Эта докладас вөлі. Собраннө абу виноват, Паинов оз кө вежөрт сійө, мый быдөнныслө вежөртана.

— Сэк разрешитө выступитны прениеэзын.

— Вопроссэз эмөсь? Абу. Баит, ёрт Паинов.

— Эдө думайтө, ёрттэз, что ме против. Ме абу против эта предложеннөлө. Ме только лыддя, что одзөв думайтөны керны сэтшөм делосө. Пола, что рабочөйезлөн чинас заработок, унажыксө сезонниккезлөн. Öнi сезоннөй рабочөйез погрузканын заробитөны месяцнас куим тысяча рубөдз, а эстакадаын ния пондасө получайтны етшажык. Мый пондасө керны женскөйез-сезонницаэз? Пөрлавны пуэз нийө он сувтөт;

профсоюз оз лэдз. Улицаэз я мый я пондасё посёлокас чышкыны? Кытчөдз пондат перестраивайтны быдөс уджсё, сезоныс чулалас. Перестройкаыс понда кад эд колё. План тыртёмсё чинтам. А вермас и сідз лоны, что тиян проектись нем оз и пет. Ме сідз предлагайта: чулөтам сезонсё важмоз...

— Кыдз дед да баб олісё, — горөтчис Ахазов.

— А көть бы и сідз. Одзжык дедыс да бабыс ручнөй пилаөн вөрсё пөрөтлісё, а планнэсё тыртлісё миянся не умөльжыка. Ме шуа, чулөтам сезонсё сідз, кызд эм, а вильмоз пондам уджавны локтан сезонё, медодзза луннэзсянь...

— Разрешитё меным, — лэбтіс кисё тракторист Ваня Мизяев. — Меным, комсомолецлө, стыд пөрись, опытной работник—ёрт Паинов понда. Зарплата, шуө, чинас. Неправда! Механизация буржыкөн керө миянлісь оланнймөс. Мый понда агитируйтан, ёрт Паинов? Важмоз олөм понда! Вот мый понда тэ агитируйтан... Сезонниккез йылісь ёрт Галиев висьталас... Адззисис тожө рабочөй класслөн дорйись...

Мизяев бөрын пондіс баитны Галиев:

— Председательлө оз лөсяв баитны первөй-өн, но эстөн сезонниккезөс павкөтісё. Миян колхозсянь ме старшөй туйө, этасянь разрешитё сетны ёрт Паиновлө ответ. Миян йылісь пондіс думайтны начальникным. А мыля одзжык нем эз думайт? Кыдз мийө олам? Дзескыта олам! Сушилка абу, баня сотчис—мөдіксё оз строит. Колё крепыт чай — грузинскөй, а не идовөй. Валёнкаэз колёны, сапоггез. Абуөсь! Мийө не кузь рубли локтім татчө колхозсис. Локтім отсавны тиянлө, государстволө отсавны, вөр керавны. Тэ, ёрт Паинов, должен төдны

миянлісь политикасё. Миян машина служитё
рабочёй мортлө. Только колө правильнөя тшөк-
тыны сійө служитны. Эта йылісь и висьталісё
миянлө докладчиккес. Быдөнныс вежөртөны, а
ёрт Паинов оз вежөрт.

Партийнөй собраннө бөрын, кёда одобритіс
комсомольскөй проектсё, молодёжь чукөртчис
Микитенко ордын. Быдөнныс вөлісё радөсь и
өдззисё бөбавны, кызд учөт челядь. Галя си-
бөтчис гэр дынө и осьтіс горпөдансё.

— Эта, челядь, Георгий Алексеевичлөн кух-
ня. Горыс көдзыт, и пышкас нем абу, по-
тшшуйтны, тыдалө, озө лөсьөтчө... А сэтчин
мый? Столовөй. А столовөяс пызан вылын су-
лалө өтік пепельница.

Сія видзөтыштіс занавеска сайө учөтик ком-
натаө.

— Эстөн, ёрттэз, кабинет да спальня.

Гөссез ветлөтісё Галя сьөрын, видзөтісё
уютнөй квартиркасё. А аслыс хозяинымслө вөлі
небытшөм. Вөлісь кеймисьөмөн горөтчис:

— Көть радио включитө.

— Оз ков радиосё, — шуис Наташа. — Ме-
нам кынөм сималө. Давайте керам складня,
коли хозяинымс сэтшөм надз.

— Мый жө керны, ежели менам некытшөм
запассез озө овлө. Столовөйын я мый я мыйкө
небны?..

— Столовөйыс пөдана ни.

— Позьө мөдік ыбөсөт, оградаланьсянь пыр-
ны, — сералөмөн висьталіс Галя. — Начальник-
кесө пыр сідз лэдзавлөны. Может нылөн и
клюквеннөй настойка эм...

Микитенколө усис төдвылас, кызд сійө мө-
дісё гөститөтны клюквеннөй настойканас, и
сія серөмтчис. Галя висьталіс:

— Кадыс чулалё. Ваня, Наташа! Чожажык столовöйö. Паннез, вилкаэз тэнат эмось?

— Только öтик стакан.

— Ме мый байтi? Чожажык столовöйö!.. И нельки графинын ваис абу...

Галя петiс кухняö, адззис ведра и, пельпоннез вылас пасёк чапкыштöмөн, иньдöтчис öтöрись ыбöслань.

— Галя, кытчö тэ?

— Вала!

— Ачым ветла!

Недыр мыйись локтiсö столовöйись Наташа да Ваня.

Нывкаэз пондiсö сувтöтлыны пызан вылö тарелкаэз, тэчны паннез, вилкаэз. Пызан шöрас Ваня сувтöтiс гöрд винаөн бутылка.

— Этö учöтик нылочкаэз понда... А вот эта миянлö, — и брюки кармансис сiя кыскис коньякөн бутылка.

— Мыйлö быдöс этö?

— Талун позьö, ёрт хозяин, — висьталiс Галя и пондiс командуйтны пызан саяс.

— Кöть ме и не хозяйка эта керкуын, но меным поручитiсö дона гöссезöс корны пызан сайö.

Галя кисьлiс вина.

— Первöй тост висьтавны хозяинлö.

— Юам, ёрттэз, миян том дружба понда, творчество понда, миян прекраснöй вөр понда, миян бытшöм нылiньöйез понда...

— Колö и хозяин понда, — шуис Галя.

Микитенко юис рюмкаджын коньяк и пондiс кашляйтны.

Быдөнныс серöмтчисö. Нiя вöлiсö томось да жизнерадостнöйöсь. Наташа и Галя, гöгрöсчужöмаöсь, сьöдьюрсиаöсь, дженытник платьеаöсь, вачкисисö нылочкаэз-школьницаэз вылö.

Галялөн пельпоннэзёттяс паськаліс кудриа юр-
сиыс.

Быдөннысса пөрисьжык вөлі Борис Смирнов.
Сія старайтчис видзны асьсө солиднөя. Локтіс
виль костюма, рөма галстука чочком йөрнөса.
Нывкаэз сэк жө лэбтісисө серавны:

— Оз лөсяв тэныт, Борька, чочком воротни-
кыс!

— Мыля оз лөсяв?

— Тэ суvt да мыччав асьтө быдөнныслө.

Наташа кутыштис сійө гырдызэзэйттяс да лэб-
тіс стул вывсис:

— Видзөтө, кытшөм красавец!

Смирновлөн чужөм вылас пятноэзөн пыдына
кучикас пырөма паровознөй саыс да тшыныс.

— Видзөт асьтө зеркалоө. Тэ талун абу мис-
сьөмыт.

— Ме тэныт сета! Асьтө видзөт! Понпутшш-
ез тыртөмась чужөмтө.

Көр асывланыс пондіс гөрдөтны, калино-
вещез прощайтчисө хозяйнкөт и мунисө кон-
тора дынө, кытөн нійө видзчисисө ни доддялөм
вөввез.

Ахазов да Тотьянина пукалісө Климов ка-
бинетын, көр локтіс Микитенко. Юрнас качык-
нитөмөн начальник здоровайтчис техрукыскөт
и пондіс одзлань байтны:

— Дак вот, талун ме подписывайта уволь-
неннө йылісь приказ. Паинов оз вермы руко-
водитны участокнас.

— Правильно, — шуис Ахазов. — Ковсяс сы-
лө сетны мөдік удж.

— Кытшөмө? Уввез я мый я суййыны?

— Мыля, Василий Ильич, уввез суййыны.
Сылө колө поручитны эстакада строитны.

Специальностьыс сылӧн строитель. И одзжык керкуэз строитис Гариын, Луньяын. Невна одзӧв сувтӧтӧм участокӧ начальникнас. Адззан, оз вермы уджавны. Ась эстакадаын уджалыштас, а сыбӧрын адззылам. Может, эстакадаын мастертӧн кольчас.

— Кызд тэ моз, ёрт Микитенко?

— Ме Андрей Емельяновичыскӧт согласен.

— Ладно! Но Калиновскӧй участоксӧ оз туй кольны руководствотӧг. Кад ни руководящӧй удж вылӧ выдвигайтны молодёжь. Калиновскӧй участокӧ начальникӧн назначайта техникӧс Галина Степановна Тотмянинаӧс.

Галя видзӧтыштитис Георгий Алексеевич вылӧ, кызд бытьтӧ тшӧктис сийӧ дорйыны асьсӧ. Но сия висьталис Галя понда видзчисьтӧг:

— Галина Степановна мыччалис асьсӧ уджын бур ладорсянь. Сэтчӧ жӧ сия комсомольскӧй проектлӧн соавтор. Вот и пондас ачыс внедрийтны сийӧ производствоӧ.

— Ме ог тӧд... Верма я ме сэтӧн уджавны?..

— Ӧтнат — он, он вермы. Паинов ӧтнас уджалис и сылӧн нем эз пет. Тэнат лоасӧ бур отсалисез. Быдӧс комсомол. Партийнӧй организация пондас отсавны. Быдӧнним мийӧ пондам отсавны. Сэссия нем оз ков байтны, — Ахазов сибӧтчис Галя дынӧ да жмитис сылись кисӧ.

— Сидзкӧ, байтчим? — юалис Климов.

— Байтчим, Василий Ильич, — Галя туйӧ ответсӧ видзис Ахазов.

— Ладно. Примит участоксӧ. Эн сет мянлӧ спокой, требуйт, медбы мийӧ кызд позьӧ чожжыка строитӧм эстакадасӧ. Желайта успех.

Климов чеччис, этӧн мыччалис, что деловӧй разговорыс кончитӧм.

КУИМОТ ГЛАВА

Галиевлөн сезонниккез лун и ой уджалісö, строитісö разделочно-сортировочной эстакада. Паинов, кöда уджаліс строительствойн мастерöн, нельки гортас эз ветлы, сторожкаын и узьліс.

И вот эстакада — вылын, кузь помост — вöлі почти готов. Кыкнан ладорöттяс железно-дорожниккез тэчисö рельссез.

Эстакада весьтын кынымкö местын нёкыртчисö чугуной блоккеза öддöн ыджытöсь керовой стрелаэз, эстакада конецö вöлі сувтöтöма мощной трелёвочной лебёдка, запасной путь выlö — электрической станциялөн голубой вагончик.

Эстакадасö эз позь лэдзны уджö неыджыт недоделкаэзсянь: эз вöv керöма настил, конвейерлö монтаж. А эстакадатöг оз туй пондöтны хлыстовой вывозкасö и вуджны поточно-комплексной удж выlö.

Эта кад коста Микитенко öтпыр эз пантасьлы Галякöt. Сійөн что вöлі öддöн занятöй — эстакада вылын уна уджсянь — сія эз вермы ветлыны Калиновкаас. А коліс бы отсавны неопытной нывкалö сылөн виль ответственной уджас.

Калиновкаö часто ветліс Климов. Участок выlö сылөн быд ветлём бöрын Георгий Алексеевич öддöн интересуйтчис, кызд мунö сэтчин уджыс, кызд командуйтö Тотьмянина, кызд организуйтчö поточно-комплексной бригада, кызд рабочöйез относитчöны виль начальникыс дынö.

Öтпыр Климов юалис:

— Мый тэ сідз интересуйтчан именно эта участокөн? Миян эд не öтик Калиновка.

— Сэтчин первöй опытсö чулöтам. Вот и беспокоитча.

— Беспокоитчан? Ме думайта да öддöнжык-сö томыник начальник йылись, нежели производство йылись.

Микитенко гöрдöтис да кöса висьталис:

— Öтыс оз мешайт мöдыслö.

Сералöмөн Климов нюжöтис сылö бумага лист:

— Лыддöйт!

Калиновскöй участокись работникез требуй-тисö эстакада строитисезсянь куимлунся срокö лэдзны сийö эксплуатацияö. И асланыс ладор-сянь сетисö обязательство отгрузитны вöрсö не етшажык тысяча кубометрся.

— Вот кыз дейстуйтö участокись начальник Тотмянина. А тэ беспокоитчан.

Климов корис Ахазовс.

— Тöда, тöда! Быдöс известно.

— Мый тöдан?

— Калиновскöй участокись вөркералиссез-лись требованнёсö.

— Мый висьталан керны?

— Социалистическöй счётсö, конечно, примитны. Керны воскресник.

— Штурмовщина, Андрей Емельянович.

— Не штурмовщина, а коммунистическöй субботник...

Ахазов сибöтчис телефон дынö.

— Меным общежитие. Да! Галиевс. Ёрт Галиев! Часöt жö лок контораö. — Сия эшö мыйкö гажөн висьталис татарскöй кыв вылын и öшöтис трубкасö.

Недыр мыйись локтис Галиев.

— Здорово, Рафиат. Ашын лоас эстакада вылын воскресник. Кыз тэнат рабочöйес? Лок-тасö воскресник вылас?

— Мыля озö локтö. Ежели колö, пыр пондасö уджавны.

— Асывнас кыкьямыс часö чукöртчам эстакада вылын. Мунам, Рафиат. Отсалан организуйтны.

Шондi эшö эз на пет, а Ахазов вöли эстакада вылын ни. Пондiс уджавны электрической станция. Воскресник вылö петiсö быдöс коммунисттэз и комсомолецез. Вайöтiс ассие артельсö Галиев. Локтiсö контораын уджалiссез, механиккез, машинисттэз, электриккез. Почти быдöс посёлочкыс вöли эстакада вылын.

Паровозик вайöтiс пиломатериалöн состав. Будкаись мыччис юрсö машинистлöн отсались Борис Смирнов.

— Молодец! Аскадö вайöтiн. А кытöн Оборин?

— Скоропостижнöя пондiс шогавны.

— Ладно! Сытöг керсям... Паинов, командуйт! — предложитiс Ахазов сэтчö сибötчись Паиновлö. — Плотник Ахазов тэнат распорядженнöын...

Обедöдз настил вöли керöм. Механиккез, электриккез, депоись рабочöйез рыт кежас сувтötiсö моторрез, монтируйтiсö цепнöй конвейерлесотаска. Рытнас лэдзлiсö механизммесö, видзötiсö, кыз нiя уджалöны. Лэдзны эстакадасö уджö шуисö асывнас.

Ойшöрнас депоö звонитiс машинист Оборин и корис телефон дынö Борис Смирновöс.

— Ме кывза.

— Ёрт Смирнов, спасибо, что выручитiн. Уджалин ме туйö... Температура вöли 39, öни нормальной. Көр сувтötан паровозсö, верман сутки лоны свободнöйöн. Ме ашын пета уджавны. Спасибо. И тэныт желайта лоны здоровöн.

Видзчисьтём разрешеннёсö получитём бöрын, Смирнов котöртис квартираас, перыта миссис, вежис вывсö и ойнас жö мунис гортас дасвит километр ылына Гаревскöй посёлок дынсянь.

Асывнас вывланись складись настойчивöя требуйтисö погрузка увтö порожняк. Тотьянина юöртис, что даснёлёт ус дынын öкис 200 фестметр вөр. Хлысттэзөн тыртёмöсь быдöс площадкаэз. Порожняк етша. Дзугсьö поточнöй бригадалөн уджыс.

Гажөн шутнялыштликö Борис Смирнов рытнас сибöтчис посёлок дынö. Сия нем эз тöд, мый сэтөн лоис сытöг. Депоись нывкаэз, кöдна шедисö паныт, эзö здоровайтчö сыкöt. Öтик нывка лөгөн висьталис:

— Тэныт, Смирнов, абу стыд позоритны быдöс комсомольскöй организациясö?

— Кыдз, мыйөн позоритны? — дивуйтчёмөн юалис Борис.

— Баитны тэкöt противно!..

Нывкаэс перыта мунисö. Смирнов, мыйкö умöльö кыликö, тэрмасьöмөн иньдöтчис депоö.

— Здорово!

Некин эз здоровайтчы сыкöt. Рабочöй, кöдалөн киас вöли кöртовöй болт, висьталис:

— Быдөннысö кляпчаö сюрötин. Камгыны бы юр кузят этөн штуканас, да киэз сэрпöсьтны дыш петö.

Контораын Смирновöс панталисö сідз жö кöса.

— Локтін дезертир, — шуис Ахазов.

— Нем ог вежöрт, Андрей Емельянович. Быдөнныс видчöны.

— Сідз бытьтö нем он и вежöрт? Мыля пышшин паровоз вывсис? Оборин откажитчис мунны отсалисьтöг. Тэ кузя талун древесинасö невна эгö кольö вöрас.

— Мыля ме кузя?

— А кытөн шатласин?

— Гортө колхозө ветлі.

— Самовольнөя?

— Машинист менө лэдзис.

— А өні ме нем ог вежөрт. Оборин лэбтіс шум, что тэ пышшин паровоз вылісь. Пуксы, висьтась.

Корисө машинистөс, и недыр мыйись сія локтіс. Локтіс сія веськыта паровоз вылісь, сьөд чужөма, мавтчөм паськөма.

— Вот тэ кытөн,— висьталіс Оборин, көр казяліс ассис отсалісьсө. — Сувтөтін меным коктө, том морт, ёна сувтөтін.

— Нем умөльсө ме эг кер, — дорйисис Смирнов. — Ачыт тэ висьталін меным, медбы ме деревняө ветлі.

— Ме лунтыр эг адззыв тәнө. Кыдз жө верми сымдасө висьтавыны? Ме шогалі. Температура 39 градус. Только талун асывнас невна долытжык лоис.

— Тэ телефонөн байтін мекөт.

— Шогалі ме, постеляись эг чеччыв и некинкөт эг байт.

— Ме төда эд тәнчит голостө.

— Тэ, зонкажуг, эн катты ме вылө абусө. Кыдз ме верми байтны, коли коккезөс эг вештав, шогалі. Меным, Андрей Емельянович, сэтшөм отсаліссесө сәсся оз ков.

Самовольнөя мунөм понда Борис Смирновөс сәсся эзө лэдзө уджавны паровоз вылын.

Борис места аслыс эз адззы. Быдөс, кажитчис сылө, муніс вакрамешө. И нель год велөтчөмыс, и паровоз вылын практикаыс, и стахановецлөн заслуженнөй славаыс, и медглавнөйыс — комсомолецлөн чествоыс.

Смирновлісь поступоксё лёсьётчисё обсудитны комсомольскёй собраннё вылын. Видзчисисё, кёр локтас комсомол райкомись секретарь.

Смирнов быдсён надейтчис эта комсомольскёй собраннё вылө: челядь видзётасё сылісь поступоксё и восстановитасё сылісь одзза авторитетсё. Сія вермис бы просто мунны асла колхозө, вермис кутчыны уджавны МТС-ө. Но сэтшөм пятноён, көдө — думайтис сія — нем понда пуктисё сы вылө, Смирнов эз вермы мунны вёрсис. Общежитие öшынөт сія часто адззыліс мунац поезддэз и невна эз горзы тоскасянь да обидасянь.

Сы участнетөг пондис уджавны разделочно-сортировочнөй эстакада. Передовиккез витрина вылын мыччисисё виль ниммез.

Вөлісь локтис комсомол райкомись секретарь. Дырвидзчисян комсомольскёй собраннёсё назначитисё рыт кежас клуб залын.

Паровозён локтисё калиновскёй комсомолецез.

— Кызд мунө уджыс, Галина Степановна? — юалис Климов, кёр панталис Тотьянинаөс.

— Бура, Василий Ильич. Тэ, пожалуйста, зэлөт железнодорожниккесө. Ась чожажык лэдзöны ремонтись быдөс порожнякесө. Мийө вермам иньдыны вёрсө кыкись унажык, только сетө мянлө вагоннэз.

— Талун уна я грузитит?

— 700 фестметр гөгөр.

— Мунам буфетө, — корисө Галяөс подружкаэс. — Нылөн яблоккес эмөсь.

— Оз вермы лоны! Ме думайтi, что яблоккес только мян, Калиновкаын.

— Калиновкаын яблоккес?

— Магазинас мян öнi быдөс эм. Нельки книжнөй отдел осьтисө, Василий Ильич.

Комсомолеццезёс корисё собраннё вылө. Борис Смирнов висьтасис, кызд машинист Оборин лэдзис сійё сутки кежө гортас, деревняё, и кызд сыбёрын откажитчис аслас кыввезись.

— Мыля некинлө эн висьтав, что тэнö лэдзисё?

— Этын ме виноват.

-- Мый думайтан керны одзлань?

— Уджавны вёрзаптöмын. Көть кытшöм уджö муна. Сета комсомолеццись кыв веськөтны ошибкаёс.

Мукöд комсомолеццез требуйтисё исключитны Смирновёс комсомолись, мөдикез предлагайтисё объявитны выговор.

Пондис баитны райкомись секретарь.

— Ерттэз! Мыйын виноват Смирнов — тиян организациялөн секретарь? Сэтшöм лун панытö, көр лөсьөтчисё эстакада лэдзны уджö, сия висьтасьтөг мунис гортас. Этөн сия чуть эз сувтöt висьталөм кадö эстакада лэдзöмсö. Мийö огö төдö, лэдзис сійё Обориньы али эз. Висьталам сідз, сия лэдзис тэнö, Смирнов, öтик лун кежö. Тэ должен вöлин откажитчыны и некытчö не мунны. Эд тиян паровозсянь зависитис хлысттэз аскадö петкөтöмыс, медбы эстакадалö сетны удж. Вот мыля машинистөн тэныт кытчöдз не лоны. Но ме против, медбы Смирновёс исключайтны комсомолись. Сия лесопунктын стахановец, сылөн öтик взысканнё абу. Ме предлагайта объявитны сылö выговор...

Комсомольскöй собраннё бёрын Смирнов дынö сибөтчис Галя.

— Лок, Боря, уджавны миян участокö. Лоан погрузка вылын механиклö отсалисьён? Миян эмöсь лебедкаэз, кык кран. Нето ёрт Жуков дынö электростанцияё. Позьё гаражö. Тэ понда миян адззисяс уджыс. Быдкодь удж. Ме бура

төда, что недыр мыйись тэ бөра лоан паровоз
вылын. Ладно, Боря? Көр-нибудь ыскөвтөтан
менө паровоз вылын, а то ме сё тормозной
площадкааз вылын ветла. Локтан?

Борис крепыта жмитис Галялись кисө, и пер-
вуись быдөс эна сьёкыт луннэзө сьлөн синнэс
тырисө синвайн.

Кынымкө лун бөрти комсомольскөй собраннө
бөрын Галя Тотьмянинаөс корисө Гариө.

Посёлок дынын лөсьөтчис мунік кежө хлыст-
тэзөн грузитөм платформааза паровоз 212. Галя,
өтлаын нывкакөт-кондукторкөт, кайис тормоз-
ной площадка вылө да пуксис пожум дын вы-
лө. Пондисө кальскөтны буферрез. Поезд вөрзис.

Железнодорожной полотно дынын лыма мыс
вылын сулалис Смирнов да видзөтис, кызд
вөрзьө поездыс.

— Гажтөмтчө Боря, — шуис нывкаыс. —
Быд пырись вот этадз кольлалө.

Одзаныс мыччисис покат. Нывка-кондуктор,
сигнал видзчисьтөг, пондис бергөтлыны тор-
мозлись ручкасө.

— Ся обязательно должен сетны свисток
быд покат одзын. Вот кылан — пондас шут-
нявны чулалөм бөрас.

И былись, сигнал „тормозитны“ вөлі сетөма
вөлись сэк, көр джын покатсө лэдзчисө ни.

Галя казалис, кызд өтик тележкаын бокө пө-
ліньтчис стойка.

— Киссис додыс. Неужели машинистыс оз
адззы?

— Нем оз ло. Опасно, көр паныт локтө по-
езд. Но миян колеяыс кытчөдз өтик. И стрел-
кааз вылын топ Гариэздз өтик поезд оз пан-
тась.

Öтiк ус дынöt мунiкö, нывкаэз дыр любуйт-
чисö кран уджөн.

— Кыдз чагоккез лэбталö хлысттэсö. Кыкдас
морт туйö уджалöны только кык рабочöй да
крановщица.

— А гожумнас татөн, — висьтасис нывка-
кондуктор поснитик пипуасник вылö мычча-
лёмөн, — мымда туримольыс, туримольыс мым-
да! А тшакыс, а пуягöдыс!

Пондiсö сибötчыны Гариэз дынö.

Оборин, тыдалö, решитiс „шикөн“ локны
конечнöй станцияыс дынö. Сiя мыйись вермис
öдззötiс сьöкыт поездсö.

Тövчикөн лэбзисö диспетчерскöй дынöt.
Мелькнитiс депо. Одзаныс мыччисис руд ва-
гончик, кöда вöли сувтötöма совсем ордчөн
главнöй линиякöt.

„Вдруг стойкаыс павкас вагончикыс бердö“, —
полёмөн думайтыштитiс Галя. Нывка-кондуктор
лэбтiс гöрд флажок да кутчисис тормоз ручка
бердö. Но вöли сёр ни. Кылис кажötöм. Паровоз
чеччöвтiс рельссыс вылись. Гымötöмөн пондiсö
киссыны керрез. Платформаыс, кöда вылын
мунiсö нывкаэс, пöрис канаваö. Галя только
ештiс казавны, что поездеыс дынö котöртöны
рабочöйез. Öддьөн зубытсыянь сiя öштiс садьсö
и садясис вöлись Гариэзын, фельдшерскöй
пунктын.

Сы дынын мыйкö керис фельдшерица. Сыбö-
рын Галялö бöра лоис умöль, и мöдпырись сiя
садясис вöлись районнöй селоö мунiкö. Сiя
куйлис додын брезентовöй вевтöс увтын. Гу-
сеницаэзөн кальскötöмөн кытөнкö гымötiс трак-
тор. Уннылис пурга.

Кötь и погоддяыс вöли нелётнöй, но Галясö
санитарнöй самолётөн иньдiсö городö. Сыкöt
мунiс Ахазов.

Микитенко нем эз тӧд эта йылісь. Ӧбед бӧрын сія локтіс контораӧ и случайнӧя видзӧтыштіс Климов кабинетӧ.

Лесопунктісь начальник пукаліс пызан сайын и тӧждісяна чужӧмӧн лыддӧтіс кытшӧмкӧ бумага.

— Мый лоис, Василий Ильич?

— Акт... Лыддӧт.

„Депӧ дынын, запаснӧй путь вылын, линия дынсянь ӧтік метр ылынаын сулаліс снегочист... Калиновскӧй участокісь начальник Тотьянина...“

Актсӧ досповна лыддӧттӧг Микитенко юаліс:

— Кытӧн сія?

— Индӧтім городӧ. Колӧ пӧ керны операция.

Городӧдз Галясӧ кольлалӧм бӧрын Ахазов ойнас локтіс гортӧ. Сунасісь сторожихася контораын некин эз вӧв.

— Тӧнӧ кытшӧмкӧ старик витісь юаліс, — висьталіс сторожихаыс. — Неважын вовліс, эшӧ мӧдіс пыравны.

Ахазов пукаліс контораас часджын дырна и мӧдіс муны ни, кыздз ыбӧсас кинкӧ ӧркӧтыштіс.

Комнатаас пырис машинист Оборин. Перво Ахазов эз тӧд стариксӧ. Бытшкасян щетинаа вӧйӧм рожабаннэз вылас орсіс нездоровӧй гӧрд рӧм. Синнэс вӧлісӧ кытшӧвтӧмӧсь лӧз круггезӧн.

— Мыйлӧ локтін?

Оборин нӧитіс киас шапкасӧ и шы эз сет.

— Тӧнчит юала. Ветлӧтат ӧйезнас, отирлӧ узьны одӧ сетӧ.

— Ме ачым аслым ог сет узьны, Андрей Емельянович. Ыджыт ошибка ме кері...

Машинист пуксыыштіс стул дорас:

— Бббөті Смирновөс, быдөннысө бббөті. Сэк ме лэдзи эд сійө паровоз вывсис, а висьталі, что эг лэдзлы... Гордыня менө бсилейтіс, Андрей Емельянович. Завид лоис пөрись чортлө, что зонкаыс месся буржыка төдө паровозной делосө. Менө сивилёнам тэчөмөн одзжык велөтисө, ме практик, недосповна велөтөм, а Смирновыс грамотной, железнодорожной училищын велөтис наукасө, месся унажык төдө, и кутис менө завидыс. Эг ме вермы согласитчыны, что коми зонка вермас ме туйө уджавны паровоз вылас, а меным отставка... Но, и кери сэтшөм делосө.

— Сідзкө, пурөтін зонкасө?

— Быдөнныслө умөльө кери. И производстволө. Ме быдөс веськыта баита, Андрей Емельянович. Проститө менө. Смирновлөн аварияыс эз бы ло. Нывкаасө стрөйдис.

Старик вдруг пондис горзыны. Ахазов эз төд, мый и керны.

— Проститө, милөй ныввез, — синваэзөн синнэзас баитис старик. — Эг мөд ме этадз керны. Слепөй лои. Гордыня менө бсилейтіс...

— Мун, Оборин, узьны. Оні уджалө комиссия. Сія быдөс төдас, мыйсянь лоис аварияыс.

Пондөтчис югдыны. Контораын пондисө гымөтны ыбөссэз. Локтис Микитенко. Талун сылө и Ахазовлө колис мунны Калиновкаө.

Диспетчерскөй дынө муникө ния кежисө эстакада вылө, кытөн котрасис Паинов. Көть и өтөрас вөлі мороз, но сія вөлі өтік стежонкаа да керзовөй сапоггеза.

— Мый тэ сапоггезнат бодритан?

— Кокнитжык. Лунтыр котрася эстакадаөт — нельки нбылөм лэдзчө.

— Но, но! Кыдз мунёны делозэ?

— Талун мөдiк состав ни ректiм да сортируйтiм. Плансö тыртам 180 процент вылö.

— Эн ошшась, Пайна!

— Ог ошшась! Менам народыс сэтшöм, что позьö керössез мөдöртны.

— Участокас народыс тожö неумöль вöли, а тэ уджалiн умöля.

— Андрей Емельянович! Мыйлö важсö кась-тывны.

— Правильно! Давай действуйт. Мунам, Георгий Алексеевич.

Диспетчерскöй дынын магистраль вылын сулалiс порожнякөн состав. Состав одзас — миськалöм, весötöм, кыз чача, югытзелёнöй паровоз. Котёл морос вылын вöли гижöма: „Комсомольскöй“. Будкаись мыччисис машинист Смирновлөн гажа чужöм.

— Пуксьö паровозö, Андрей Емельянович.

— Мийö тормоз вылын. Огö пондö мешайтны тэныт.

Пассажиррез кайисö площадка вылö. Кылис свисток, матигögör вөррезöt паськалiс унаголоса говк.

Тшынлись ыджыт тшакыллез лэдзалöмөн пондiс перыта мунны учöтик паровоз, кöдалөн бöрас кыссис чуть не джын километр кузя порожнякись бöж.

Вөр кушинын турун зород дынын сулалiсö кык лось. Ния спокойнöя кольлалiсö поездсö и уськötчисö тшök вöрас. „Поезд и лосsez! — думайтiс Микитенко.— Только татөн и позьö адззывны сэтшöм чудосö!“

Көр поезд пондiс сибötчыны Калиновка дынö, Георгийлö невольнöя усис тöдвылас Галя. Вот керкуок, кытөн сiя олис, и контора, кытөн сiя уджалiс...

Поезд пондіс мунны жагөнжыка и сыбёрын сувтчис.

Микитенко важын ни эз вёвлы контораас. Син выло сразу усис быдос сия, мый эстон вежсьома. Канцелярскöй пызаннэз вевттьомось дермантинөн, öшыннэз вылын цветтэз, джоджын ольсаломось аскыйом половиккез. Стенаэз чочкома белитомось. Чугунной печка туйо тэчöма подтопока кирпичной гор.

Бухгалтер пызан сайын пукаліс нывка. Микитенко думайтыштіс, что кытөнкө адззыліс ни сійо.

— Меным кажитчö, что мийö тöдсабсь.

— Тöдан, ме вовлі тэ дынö норасыны Галина Степановна выло?

— Тэ — Маруся?

— Самöй сия.

Георгий Алексеевичлö усис тöдвылас, кызэ öтпыр, көр сия вовліс Калиновкаö, эта Марусяе норасис, что Тотьянина оз лэдз сійо уджавны кран вылын...

— Кыз тэныт гленитчö татөн?

— Ме эд Поймаын кончиті бухгалтерскöй курссэз. Галина Степановна сразу вежörtіс, что ме не аслам дело бердö кутчи. Но, и босьтіс кран вывсис. Эта бёрын ме недыр уджалі магазинын, а сыбёрын вуджötісö татчö. Гленитчö.

— А одзза бухгалтерыс кытөн?

— Столовöйын талоннэз лыддьö, — шуис Ахазов. — Ме, пожалуй, и столовöйсис сійо вашöта. Тэ татчö кольччан, ёрт Микитенко?

— Видзчисьышта дорожной мастерöс. Сия должен чожа локны мотовозөн.

— Сійо колö ёна видны, Георгий Алексеевич. Кörtтуй ой кыз падмötö поточной бригадалісь уджесö! Ozö кужö ния кыз колö туйсö видзны.

— Ме унажыксö сы понда и локті татчö.

Недыр мыйись локтіс мотовоз. Пырис дорожнöй мастер, сажень мыгöра, шадра чужöма морт.

Микитенко сразу жö юалис:

— Менö интересуйтö, мыля тийö умöль состояннёын видзат көрттуйсö?

— Эз ешты здоравйтчыны и выговор ни. Кытшöм жö эшö состояннёын колö сийö видзны, Георгий Алексеевич? Шпалаэз асланыс местын, рельссэз сідз жö.

— А мыля 12-öt ус кузя оз туй ветлыны?

— Тöдан, ёрт инженер, 12-öt усыс лыма основаннё вылын.

— Мый тэ меным синнэз пöртмалан? Миян быдöс уссэз лыма основаннё вылын.

— Эта, пожалуй, сідз. Быдöс лым вылын...

— Ладно. Местаас адззылам. Мунам!..

Веськыт туй кузя мотовоз муніс валькыта, эз тресит. Но первой жö чукылын коннит машинасö пондіс шупкавны öтмөдөрö. Микитенко тшöктіс водительсö сувтчыны.

Кöр лэдзчисö шпалаэз вылö, инженер мышкыртчис рельссэз весьтö и почти вынсьöтчытöг, инструменттöг, шпалаись кыкис костыль.

— Проверит колеялісь пасьтасö! — тшöктіс сія мастерöс.

Колеяыс вöлöма паськытжык, нежели коліс.

— Талун жö лöсьöтны, шпалаэсö мөдпöв тэчны, — прикажитіс Микитенко. — Проверит колеясö быдöс туй кузя.

— Ёрт начальник! Некедз оз позь.

— Кылін, мый ме прикажиті тэныт?

Одзланысь километрын мотовоз кежис ус вылö.

— Не мунны я миянлö подöн, Георгий Алексеевич, — кеймисьöмөн шуис дорожнöй мастер.

— Пукав!

Водитель осторожнѡя пондѣс нуѡтны маши-
насѡ вѡран рельссѡз кузя. А кѡр Микитенко
тшѡктѡм сѡбртѣ сѣя содтѣс скоростъ, мотовозсѡ
пондѣс летны, качайтны. Дорожнѡй мастер пу-
калѣс порученнезѡ крепыта кутчисьѡмѡн.

— Вот сѡтшѡм туѣк вылас и зѡгѣѡ хлыст-
тѡзѡн поезддѡсѡ, и паськалѡны нѣя колѡмся
ѡддѡнжык. Медбѡрѡря аварияын тѡ тожѡ вино-
ват, дорожнѡй мастер,— горѡтѣс сылѡ Мики-
тенко.

Джын туй вылас моторист откажитчис мун-
ны одзлань. Ковсис сувтчыны. Микитенко
мыччалѣс мастерлѡ гѡгрѡса шпала, кѡда сов-
сем ѡшалѣс воздухын.

— Сюйны увтас лым! Часѡт жѡ! Быдѡс ус
кузя.

— А кытѣс ме вая рабочѡйесѡ?

— Эта дорѡдз меным дело абу.

Куим сутки Микитенко чулѡтѣс железнодоро-
рожнѡй туйез вылын. Ойшѡрнас локтѣс конто-
раѡ. Только пондѣс онмѡссыны, кыдз кылѣс
ыбѡсѡ бура стукѡтѡм.

— Мый сѡтшѡмыс?

— Ёрт Микитенко! Леспромхозѣс телефоно-
грамма.

Микитенко босѣтѣс телефоннѡй трубка.

— Племен-лес... Племен-лес... Примитѡ теле-
фонограмма. Сосновка!? Гари... Кывзы Гари...
Сизимдас куим. Илты! Рай! Он я мый я кыв?
Байтѡ Пойма... Пойма... Алло! Быдѡнныт кыв-
зат? Калиновка? Мыля одѡ шыасьѡ? Босѣтѡ
карандаш да гижѡ. Приказ номер 110 и сѣдз
одзлань, кыдз колѡ. Кывзѡ текст. Лыддѡта.
Гари! Бѡра ѡшит. А тѡ эн узь... Лыддѡта.
Январь дасѡт лунсянь Пойменскѡй леспромхоз
пасѣта ѡбъявитны ударнѡй декадник. Гижит?
Лыддѡта одзлань. Пойма байтѡ. Ме байта.

Гиж. Эшö öтпыр лыддьöта. Январь дасöt лун-
сянь Пойменскöй леспромхоз пасьта объаявят-
чö ударнöй декадник... Не öткодь разь объа-
витны нето объаявятчö. Одзлань... Декадник
чулалик кежö древесина петкötöмсö ыждötны...
Кывзы быд лесопункт. Гаревскöй лесопунктлö
70 процент вылö планся унажык... 70! Семён,
Елена, Михаил, небыт знак, Дмитрий... 70 про-
цент...

„Как раз аскадö ме видзötи туйсö“, — радөн
думайтыштіс Микитенко.

Асывнас сія корис мастеррезöс, коммунист-
тэзöс да комсомолецезöс.

Первöй локтіс дорожнöй мастер. Сія босьтіс
юр вывсис шапкасö да сибötчис пызан дынö:

— Разрешит доложитны, ёрт начальник.
Тэнат приказыт вышолнитöм. Уссэз вылын шпа-
лаэз лöсьötöмөсь. Колея проверитöм. Быдöс
бур...

Невна чөлөм бöрын содтіс:

— Кыдз эд тэ повзьötін менö кötковну. Ду-
майта, кысянь сэтшöм грозыс?

— Ачыт разь он адззы, кытөн мый нелад-
ноыс?

— Свежöй синыс буржыка адззö. Разрешит
висьтавыны критическöя. Шоча тійö, началь-
никкез, ветлатö местаэз вылö. Частожык колö
ветлыны вöрас, Георгий Алексеевич.

— Эта сідз. Спасибо совет понда.

Мастеррезкöt летучöй совещаннө бöрын Ми-
китенко кутчис составляйтны производствен-
нöй участок уджлісь ударнöй график.

Петіс сідз, что и обычнöй темпез дырни,
напряженнötöг, участокыс конкнита вермас
тыртны ыждötöм плансö. Сизим трелөвочнöй
трактор быдсөн обеспечитасö вывланысь склад-
сö хлыстэзнас. Но... татөн потокыс кончайтчис.

Одзланьын быдӧс лоас кӧрттуй сайын. Кыдзи железнодорожниккез озӧ пондӧ аскадӧ и тырмӧмви сетны вагоннэз, сэк погрузкаыс пондас кольчыны, а этаись петӧ, что участок оз понды тыртны плансӧ.

Эта йылсь думайткӧ Микитенко решитис поточнӧй линиясӧ вайӧтны увланысь склад дынӧдз, включитны поточно-комплекснӧй бригадэзӧ железнодорожниккезӧс и разделочно-сортировочнӧй эстакадаись рабочӧйезӧс.

Графиксӧ кончитӧм бӧрын Микитенко пуктис сийӧ бокӧ, босьтис чистӧй бумага лист и пондис заполняйтны сийӧ юрас чужӧм виль проектись цифраэзӧн да расчӧттэзӧн.

НЁЛЬӦТ ГЛАВА

Микитенко гижис Галялӧ: „Менам виль идея. Кера проект, медбы организуйтны поточно-комплекснӧй линиясӧ лесосека дынсянь увланысь склад дынӧдз. Висьтала веськыта, Галя, изобретательство сӧдз пырис сьӧлӧмам, что ме вунӧтла аслам служебнӧй обязанносттез йылсь. Гиж, Галя, частожык. Чожа я пондам пантавны тӧнӧ? Тӧнат пцсьмоэт отсалӧны меным уджын и вашӧтӧны гажтӧмсӧ, кӧда мукӧд коста ӧсилейтлӧ менӧ. Старайтча кызд позьӧ етшажык лоны гортын. Сьӧлӧмсянь привет быдӧс ӧрттэсянь. Георгий“.

„Роднӧй Георгий Алексеевич! Спасибо тӧныт и быдӧс ӧрттэзлӧ сы понда, что одӧ вунӧтӧ менӧ. Думайтны только, — сэтшӧм кадӧ куйлыны больницаын. Обида босьтӧ менӧ, дона ӧрттэз. Совсем здоров, а гортӧ озӧ лӧдзӧ. Ме почти месяц ветлӧтӧ костыллезӧн, а ӧнӧ бедӧкӧн котрася... Сестрались кори бумага и ӧнӧ

уджала. Менö öддöөн пондiс интересуйтны виль проектыс. Может и ме мыйöнкö отсала; менам свободнöй кадые быдöс кыкдас нель часые. Мыля нем он гиж ас йывсит, Георгий? Татөн öддöөн гажтём! Но чожа пета ни. Чожа, чожа бöра лoа тiянкöt, роднöй крайын, любимöй удж вылын. Быдөннытö крепыта окала да жмита морос бердам. Тiян Галя“.

Георгий Алексеевич унаись лыддöтлiс Галлялiсь письмoсö. Медбы адззывны Галлясö, сiя готов вöли подөн мунны городас. Сiя умöльтчис и лoис нервнöй.

Кöр Галляые, здоровöй да жизнерадостнöй, вöли татөн, Георгий Алексеевич нельки эз и думайт, что Галляые сылö сэтшöм дона. А öнi вдруг, кызкö совсем видзчисьтöг, пондiс чувствуйтны, что сылö оз тырмы бокас эта нылiньöйис.

Ахазов вежöртiс том инженерлiсь состояннёсö и öтпыр сiйö пыртiс аслас квартираö.

Пуксисö ужнайтны.

— Адззан, мый ыжда менам семьяые! Медучöтыслö квать год, а пöрисьжыкыс — студент.

Пемыт вира, сьöd юрсиа, дасквать год гöгöрся зоночка шуис:

— Студентöдззас ылын эшö, тятю. Кытчöдз öкмыс классын велötчись.

Микитенко юалiс:

— Кытшöм жö школаын велötчан? Гариэзас только семилетка.

— Пятиборыын.

— Эта эд тасянь дас километр ылынаын.

— Байта сылö, — пондiс байтны мамныс, — мед Пятиборысис эз вовлы гортö. Оз кывзы. Быд рыт гортö локтö. Час чулалас сэтчин мунiкö да час жö бөр локтiкö. Мымда кадые чулалö, а кöр урожкесö велötны?

— Неправда, мам. Ме лыжаэзөн, веськыт туй кузя...

— Кыдз ракаэз лэбалёны? — шутитёмөн шуис айыс.

— Кыдз спортлөн мастер, — паныт висьталіс зоныс. — Менам лыжняёт и кватъ километрыс оз ло.

— Нія менам быдённыс сэтшөмөсь. Көр понді мунны северас, быдөс бөжыс ме сьөрө.

— Мый бурыс, Андрей, кык гортнас овны? Семьялө пыр колө отлаын лоны. А янын кө, — кытшөм сэк семья... Тырмас войнана торйын олім.

— А тшөктан, мам, медбы ме Пятиборын олі, — шуис зоныс.

— Эта недыр кежө, Гриша.

Ужнайтөм бөрын челядыс котөртисө асланыс комнатаө, хозяйка пондіс ештөтны ассис делозэ. Ахазов юалис гөсьліс:

— Мый гижө Галя?

Георгий Алексеевич шысеттөг кыскис кармансис неважын получитөм письмо.

„Неделя бөрти менө лэдзасө больницаись. А ме пола эта лунись. Ачым ог төд, мыля. Юрын обиднөй думаэз, а байтны некинкөт. Адззыласө менө өрттэзө и повзясө. Тэ, Георгий, он төд менө, сэтшөм ме лои калечитөм да крөмөй. Сьөлөмсянь гижа. Кинлө ме кола сэтшөмыс... Кытшөм ме бөбөв! Вот часөт ыста этө письмосө, а ачым горзыны понда. Төда, что понда горзыны... Вежөрта, что не сідз байта. Но мый жө ме аснам кера...“

— Ой-ой-ой! Сэтшөм бытшөм нывка вөлі и этадз тшыксьөма. Кинлө, гижө, кола? Комсомлө колан, быдённыслө колан. Көр письмомыс гижөма?

— Кватъ лун чулаліс.

— Мунам рация дынө! Колө самолёт корны. Галинаөс вайөтны. Сытөг не локны!

А эта часө городскöй больницаын Галя дынө пырис киас градусникөн дежурнöй медсестра. Шогались куйлис кыминь, чужөмсө подушкаө дзебөмөн.

Сестра видзчисьыштіс, көр ныліньöй дугдас горзыны, сәсся лөнсьөтөмөн шуис:

— Но, вот. Öнi долытжык. Али мыйкө умөль лоис?

— Нем эз ло, сестричка. Гажтөм лоис өрт-тэзөтөг.

— Чожа гортат мунаң. Мыйлө сідз гаж-төмтчыны?.. Адззан, и температура ләбис. 37,8... Бура ойсө чулөтны, ныліньöй. Сәсся эн бө-бав! — сестра грөзитыштіс Галялө чуньнас и, градусниксө треситикө, петіс палатасис.

Завтрак бөрын Галялө горөтисө коридор-сянь:

— Шогались Тотьянина! Тэ дынө лок-тісө.

„Кин жө этө вермас лоны? А вдруг Гари-зись кин-нибудь?“ Галя шубөвтис халатсө, босьтіс бедөксө да петіс палатасис.

Чуть не квартал кузя нюжалөма городскöй больницалөн ыджытсья-ыджыт зданнөмс. Пытш-кас паськыт югыт коридор. Дубовöй тумбоч-каэз вылын быдкодь зелень. Стенаэз краситө-мөсь чочком маслянöй краскаөн. Сэтшөм чистота, что нельки шондi югөррезын, көдна паськыт öшыннэзөт усьöны стенаэс вылө, оз тыдав бус.

Коридор концецын кинкө сулаліс чочком ха-лата и баитіс дежурнöй врачкөт. Галялөн бө-бись пондiс пессыны сьөлөмыс, сiя сувтчыш-тіс. Паныт локтіс Микитенко.

— Бур лун, Галя!

Ачыс оз төд, кыз эта локис, Галя уськөтчис сылө голя вылас. Пуксисө диван вылө ыджыт фикус увтө. Дыр чөлісө.

— Вот ме и локті...

Бөра недыр чөлыштісө, видзөтісө өтамөдныс вылө. Сыбөрын Галя серөмтчис и тыртіс сійө вопроссэзөй. Висьталіс, что төн горзіс — гажтөм вөлі, а талун гажа.

— Ме думайті, что тэ... Ачыт эд ас йывсит гижин быдкодь ужассэз, — шуис Микитенко.

— Гажтөмувья не сійө эшө гижан. Ме, видзөт, нельки бедөктөг верма ветлөтны. Видзышт-ко сійө. — Галя муніс коридор кузя и локтіс бөр.

— Доктор баитө, что велала котрасьны. Гортө локтам, понда лыжаэз вылын тренируйтчыны.

Георгий Алексеевич вдруг кватитчис:

— Ме тэныт платье неби.

— Бурө?

— А мыйөн ме төда... — И Галя синваэз петтөдз сералис сэтшөм ответ вылын.

Поймаись локтісө леспромхозовскөй рысакөн.

Одззамоз йна крепыт шебрас увтын узис красавица Кама. Туйсө быдлаөт поперегалісө зверрезлөн следдэз. Галя радуйтчис нельки эна следдэзлө. Шочыника пантасьлісө ныв уввезөн кытшөвтөм да вөснитик йыөн кутөм юкмөссэз. Берегдорся кусттэзын чеччалісө катшаэз.

Көдкаста Галя вөлі больницаын, юлөн веськытланысь керөса берегыс төдчөмөн вежсьөма. Поймасынь кынымкө километр ылынаын пуовөй постройкаэз сайын тшынөтісө заводскөй трубаэз. Ылісянь кылісө паровознөй свистоккез. Этө вөлі ремонтнөй завод строитіссезлөн посёлок.

Ю чукыль сайын пожума вöрын мыччисис мөдiк посёлок.

Крут берегын красуйтчис башняоккеза, ажурной карнизеза, балкончиккеза ыджыт кыксувда керку. Сiя эшö недосповна строитöма, крыша вылын уджалiсö кровельщиккез. Керку одзас пемытгöрд постамент вылын сулалiс скульптура — электропилаөн моторист. Веськытланяс и шульгаланяс кыссисö стеклоэзөн свиттялан кынымкö павильон. Вөр пыдöсö мунiс зелёнойгöрд черепичной крышаэза керкуоккезiсь лёдз.

— Мийö не сiя туй кузя мунам, Георгий. Ме первуись адзза сэтшöм чудосö.

— Этö вөрзаптiссезлөн одзланься шоччисян керку. Тулыснас лоас сетöма эксплуатацияö. А мый этаын особеннойыс? Эта разь эшö лоас! Ой, тэнат нырыт кынмöма!

— Ме серьёзнöя, а тэ...

— Ме тожö серьёзнöя...

Вежсьöммез вöлисö и Гариэзын. Окраинаын сулалiс ыджыт постройка. Кык вылын трубаись шумөн орöтчисö руд тшынись тшакыллез.

— Нель рамаа лесопильной завод. Посёлоксö строитöм понда уна пондас ковны пиломатериал. Керкуэс лоасö брусковöйöсь, вот и строитiсö лесопилка. Адззан, уджалö ни.

— Кытшöм посёлок? Чожа тулыс локтас. Сезонниккез мунасö. Кин жö пондас овны виль посёлокас?

— Кадровöй рабочöйез.

— Кыдз ме кольччи оланыс сьöрись. Пожалуй, и ассим Калиновскöй участокöс ог төд.

Микитенко квартираын вöли кöдзыт. Нельки кухняын ведраын ва вевттисьöма йыа коркаөн. Но хозяйиннэз эзö кылö кöдзытсö.

Соседка вайис пєс да лонтіс кыкнан горсө. Мөдїс вөлі джодж миськавны, но Галя висьталіс:

— Оз ков, бытшөм менам тётенька. Ме ачым миськала.

Самөй уборка коста локтіс Ахазов.

Только ештїс шагнөвтны порогсө, кыз кыліс лөгөн горөтөм:

— Сулав местаат! Чышкы коккетө. Терпитны ог вермы, көр не аскадө локтөны. — Лөг джоджмиськалісь чапкис Ахазовлө кок увтас трепич. Сыбөрын гывьяліс киэсө да кутыштїс Ахазовс.

— Бур лун, ёрт Галя! Мыйлө жө горзыны?

— Радувья, Андрей Емельянович. Ме бөра гортын... Чөвтчы, мун саяс. Ме чожа...

Ва джодж куза осторожнөя тальччалөмөн Ахазов муніс ордча комнатаө. Диван вылын, коккесө көстөмөн, лөня пукаліс Микитенко.

— Ой-ой! Мый эта сэтшөмыс?

— Мый тэ шы он сет, Георгий? Ладно. Ачым висьтала. Мийө, Андрей Емельянович, регистрируйтчим... Поймаын.

Врач, көр выписывайтїс Галяөс больницаись, предупредитїс Микитенкоөс, что Галяислө вөрын уджавны год мымдасө оз туй.

Георгий Алексеевич быд лун думайтїс, что ашын висьталас эта йылісь Галялө и эз висьтав. „Сїя оланся өддьөнжык любитө ассис уджсө, — думайтїс Микитенко. — Кыз сїйө вөрыс дынісь орөтан? И не висьтавны тожө оз туй“.

Быдөс петіс видзчисьтөг. Галяөс корис Ахазов. Сїя пукаліс аслас комнатаын пызан сайын и видзөтїс кытшөмкө бумагаэз, көр локтіс Галя. Тэрмасьтөг, жагөник Ахазов сюйыштїс бумагаэсө пызанө да юаліс: велөтїс я сїя көркө.

— Вöлі сэтшöм делoыс. Арнас техминимум курссэз вылын.

— Тэ тöдан, кыз миян кадррезнас. Öтiк лoис начальник, мöдiк — начальник. Вöли моторист, лoис начальник. Вот мотористтэзлiсь курссэз осьтам, а велöтiссес етша.

— Вот тэ мый йылiсь! Но меным сьöкыт лoас кык уджсö керны.

— А ежели не кыкö?

— Ог вежöрт. Ме чожа эд Калиновкаö муна, Андрей Емельянович!

— А кызди мийö огö ыстö тэнö сэтчин?

— А кызди ме ог кольччы татчö?

Ахазов шуис небыльнöя официальной тoнн:

— Курссэз вылас тэнö рекомeндуйтö партийнöй организация. Ачыт думайт: ештiт только гöтрасьны и овны янын. А курссэс лoасö Гaриэзын и Георгий Алексеевичыс Гaриэзын...

— Этасянь кö вуджötат менö Калиновкасыс, то ме некöр ог согласитчы тэнат предложeннöй.

Ахазов пондiс öвтны киэзнас:

— Не, не! Тэсса, Галина Степановна, курссэз вылас назначитны некинöс. Буди только асьсö техруксö. Но сылөн и сiдз уджыс тыр. Виль проект гижö. Этö тожö вежöртны колö...

Ахазов дынiсь Галя пырис лесопунктiсь начальник дынö.

— Мый тийö мекöt керат, Василий Ильич? Кинлö пырис юрас курссэз йылiсь сэтшöм думаыс? Меным совсем неохота мунны прямöй производствосис.

— Калиновскöй участокись, мöдан висьтавны? Но и сэтчин, ачыт тöдан, квалифiцированной рабочöйес озö тырмö. И сэтчин овлöны

сэтшөм случайез, что пондас кӧ шогавны моторист, то сы туйӧ некинӧс сувтӧтны. Локтан сезонӧ и заготовкаэзлӧн планыс лоас ыджытжык, и машинаэс лоасӧ унажык. Мый лоас, кызди мийӧ одзлань огӧ велӧтӧ отирсӧ? Кадррезтӧг кольччам. Кин пондас машинаэзнас управляютны? Эд морттӧг машинаыс — металлісь куча, не унажык... Кадррез готовитӧмыс, Галина Степановна, ответственной, почётной, партийной дело. Кытчӧдз шоччись, а сыбӧрын пет уджавны.

Кӧр Галя локтіс гортас, сія ӧддӧн дыр видзчисис Георгийӧс. Не ӧтпырись чайник сувтӧтліс электрической плитка ылӧ. Видіс асьсӧ сы понда, что не сідз, кызд колӧ, откажитчис виль уджсис. „Коліс висьтавны, что ог вермы, ог куж ӧтӧ керны“, — думайтіс сія.

Чайник бӧра пондіс пизыны. Галя чепӧссис, медбы выключитны плиткасӧ. Кокас ӧддӧн зубытсаянь синнезас пемдіс. Галя жагвыв лӧдзчисис пызан дынын ковӧр ылӧ.

Эта коста локтіс Георгий. Сія жагӧник лӧбтіс Галясӧ да пуксьӧтіс диван ылӧ.

— Мый тӧкӧт?

— Нем абу. Пустьяк. Босьт чайниксӧ.

— Сӧжӧ мый лоис?

— Вунӧтчи, котӧрті неосторожнӧя. Неужели ме сэтшӧм инвалидка? Пожалуй, участкас меным сьӧкыт лоас...

— Пондам ӧтлаын уджавны, составляйтны виль ыджыт потоکلісь проект. Кывзы, Галя!

...Калиновской участкакись диспетчерскойлӧн стеклянной будкаын дежуритӧ ныліньӧй-диспетчер. Сы одзын микрофон и телевизорлӧн экран. Вескытланяс ӧддӧн уна чочком кнопкаэзлӧн сьӧд щит, шульгаланяс, матовой стекло

вылын, железнодорожной магистральлөн план.

Приборрез вылын югьялөны петан шондилөн югөррез. Джоджас орсөны быдрөма көчөккөз.

Точно квать часө щит вылас өзйис гөрд лампочка. Диспетчер нырыштө кнопка. Ыджыт секундомерлөн циферблат кузя вешшө стрелка. Өтік минута, кык, куим. Көр стрелкаыс лыддис нель минута куимдас сизим секунда, пөндис сильөтны звонок. Эта лоө, что лесной комбайн кыскис вывланись площадка вылө дас фэстметр хлысттэз.

Экран вылын тыдалөны механической уввез-суййисьлөн да мощной погрузочной машина-лөн силуэттэз. Вот пуэзись пучок янсалө площадка бердись. Кранлөн стрелка бергөтчө да ассис грузсө валькыта лэдзө тележкаэзө...

Грузитөм состав дынө куимдас минута бөрт-ти сибөтчө электровоз. Диспетчер шуө микрофонө:

— Сета отправленнө.

Матовой стекло вылын көрттуйлөн лөз чертайт пөндис кыссыны гөрд визь.

Быд вит минута бөрти нывкаыс спокойнөя юөртө:

— Поезд 75 дасөт километры... чулалис стрелка... сибөтчө 110-өй квадрат дынө...

Вот гөрд визыс кыссис медбөрья отметка дынөдз — „Разделочно-сортировочной эстакада“ и өшис.

Өзйис зелёной лампочка. Рейс кончитөма. План вылын бөра мыччись гөрд черта — древесинаөн мөдик состав иньдөтчө увланись складө.

Экранлись быдөс кузясө тыртө эстакада. Кынымкө разгрузочно-сортировочной агрегат кыкдас минутаөн разгружайтөны древесина-сө. Включитөмөсь разделочной механизмез.

И сортируйтөм керрез уйоны конвейерөт увланысь складө.

Диспетчер будкаын кылө куимпөвса мелодичной гудок. Эта лөб, что автоматическөй приёмщик лыддис примитөм древесинались первөй партия. Прибор вылын печатайтчис цифра „810“...

— Кыдз сказкаын! — шуис Галя, көр кывзис Георгийлись рассказө.

— Нем абу сказочнойыс. Буди только диспетчерлөн стеклянной будка, телевизор да мукөд мелочез.

— Быдөс эта өддьөн интересной, но кытчөдз будущөйын.

— Неылын будущөйын, Галя. Медбы кадыс эз застанит мянөс лөсьөтчөтөг, колө готовитны, велөтны кадррез. Срочной! Онi жө!

— А ме курсөзись откажитчи, глупөй — виноватөя висьталис Галя.

ВИТӨТ ГЛАВА

Виль потоклөн проект — лесосекасянь увланысь складөдз — вөли кончитөма мартын. Көть и сезон конецөдз кадыс кольччис өддьөн етша, Климов решитис опытсө чулөтны эта жө годин и комплектуйтис первөй поточно-комплексной бригада. Корисө мастеррезөс, леспромхозись представителлезөс.

Совецаннө вылын Ахазов предложитис:

— Лыддя, что бригаданас руководитны долженөсь комсомолецез. Погрузка вылө предлагайта сувтөтны мастерлө отсалисьөн Наташа Мизяеваөс.

— Сiя электростанцияын механиклөн отсались, — эзө согласитчө Ахазовкөт.

— Сідзкө механизмез тӧдӧ, электричество тӧдӧ. Быдӧс тӧдӧ.

Климов падмӧтис Андрей Емельяновичӧс:

— Тэ комментарийезтӧг.

— Ладно. Трелёвка вылын мастерлӧ отсалісьнас Иван Мизяевся буржыксӧ не адззыны.

Кинкӧ мастеррез коласісь сэтчӧ горӧтчис:

— Сія трелёвочнӧй тракторӧн месяцнас вит тысячаӧдз заробитӧ. Кытшӧм сылӧ интерес?

— Виль делын интересыс — комсомольскӧй интерес, партийнӧй интерес, — паныт шуис Ахазов. — Пондас кӧ бытшӧма руководитны, и заробитны пондас унаӧн. А сы туйӧ адззам кинӧс сувтӧтны. Галина Степановналӧн курсэз вылас эмӧсь бурӧсь челядыс. Кӧрттуй вылын мастерлӧ отсалісьнас лоас Борис Смирнов. Эстакада вылын колям Паиновӧс. Бура ёртыс уджалӧ, а сменасӧ аслыс эз велӧт...

— Кинӧс жӧ тэ старшӧй мастернас мӧдан сувтӧтны? — юалис Климов.

— Правильно! Кӧть вий, а ог тӧд кинӧс.

А техническӧй руководителінас?

— Локтан сезон кежас адззам, а таво ковсяс инженер Микитенколӧ недыр уджалыштны.

— Мӧдан ме дынісь мырддыны?

— И татӧн и сэтчин пондас уджавны, Василий Ильич. Инженеррес миян кытчӧдз абуӧсь. Ме баиті Георгий Алексеевичыскӧт. Сія оз откажитчы.

— Кыдз тэ эта вылӧ видзӧтан, ёрт Микитенко? — юалис Климов.

— Менам абу право откажитчыны.

— Воть ог тӧд, кинӧс старшӧй мастернас керны. Отсалӧ, ёрттэз.

— Василий Ильич! Лэдз эта удж вылӧ ёрт Ахазовӧс, — вдруг висьталіс Микитенко.

— Менӧ? Правильно! Нет, неправильно.

Кылісö шутливöй замечаннëз:

— Да сiя эд не комсомолец!..

— Шедiн, Андрей Емельянович?..

— Тырмас тэныт кадррезнас распоряжайтчыны, ачыт кадррезас ветлöтышт!..

Народ шумитiс, а Климов пукаліс думайтöмөн, гырдызана с пызан вылö нырыштсьöмөн. Сыбöрын качыкнитiс юрна с да чеччис.

— Ме думайта Георгий Алексеевичы с совет йылiс.

Поточнöй линиялөн первöй бригадась старшöй мастер Ахазов ойбыт гөнййтiс мотовозөн Калиновкаö и бөр. Тшöктiс асыв кежö вайöтны вывланись складö быдöс порожняксьö, проверитiс, эм я паровоззэз понда топливо, вайöм я трелёвочнöй тракторрез понда газочурка.

Югдандорас Калиновкаö локтiсö Климов да трестiсь управляющöй. Пондöтчис вились организуйтöм бригадась первöй сменалөн удж.

Луншөрнас Микитенколö висьталiсö, что мөдөдз секцияын лонс затор. Рабочöйез эзö ештö отгружайтны вайöм вöрсö.

Микитенко тшöктiс эшö босьтны рабочöйезöс, исправитiс графiк. Очереднöй поездөн ачыс мунiс увланись складö, медбы местаас тöдны, мыйын жö сьлөн ошибкаыс.

Кöть и вöлісö неыджыт неполадкаэз, но сменанас бригада петкötиc, сортируйтiс эстакада вылын да сетiс государстволö вöрсö тысяча фестметра унажык, мөднëж шуны куимись унажык сысса, мымда Калиновскöй участок сетлiс обычнöя уджалiкö.

Сменаэз коласын перерыв коста Климов чукöртiс летучöй производственнöй совещаннë. Георгий Алексеевич локтiс совещаннë вылас расстроеннöй. Кажитчö, быдöс вöлі бура

думайтöма, а дело вылын петö — татöн затор, сэтчин прорыв. Сiя видзчисис, что сiйö öддьöн видасö, особенно видас трестiсь управляющöй.

Баитiс Ахазов.

— Сетiм планся унажык! Мыйлö сэк поточнöй бригадасö, ежели не сетны планся унажык? Умöля лöсьöтчис Паинов. Эз висьтав отирыслö, кызд уджавны конвейер вылас. Дрevesина быдкодь сорта. Ежели тэ эстакада вылись разгружайтан резонансовöй кöз, эн сунась, следит аслат сорт сьöрын. А тэнат, ме адззылi, рабочöй сулалö да небоись ракаэзöс лыддьö, а эта коста керыс лесотаска кузя и уйö бокöттяс. Киэз вылын я мый я сiйö бөр вайны нето быдöс конвейерсö сувтöтны?

Ахазов подробнöя висьталiс первöй смена-лөн и мöдик недостатоккез йылись, а сьбöрын пондiс баитны Микитенко.

— Быдöс недостатоккезын унажыксö виноват ме кызд технической руководитель. Графиксö составляйтiкö эг казав быдöс сiйö, мый вермас дзугны ритмичностьсö... Лöсьöтчöм кежö кадыс мян вöли уна, а ме эг используют этö кадсö кызд колiс. Бригадаиесь рабочöйезкöt колiс чулöтны специальнöй техминимум, а ме эг кер этö...

Трестiсь управляющöй одобрительнöя видзöтiс том инженерыс вылö да кöсталис шульга кисис чуннесö, ачыс горөн баитiс: „Первöй грех, мöдик, куимöt, нельöт“...

— Ёрт Микитенко! Позьö ошкыны, что тэ каитчан аслат смертнöй сизим грехын, но мым-дакö тэ не сiдз баитан. Опыт мыччалис, что виль системаыс öддьöн бытшöма оправдайтiс асьсö. Öддьöн! Недостатоккез вöлисö, и эта сiдз и должен лоны. Кötь кытшöм теоретической проектö практика пыртö ассис коррективаэз.

Колö бытшöмика, тэрмасьтöг, анализируютны тэнчит проектсö производствоö пыртöмын первöй опытсö да пыртны исправленнëз. Öтiк-мöдик исправитöма ни. Вынсьötöма вывланись складын механической оснащениë. Содтiтö эстакада вылын рабочöйезöс. Может и эз ков этö керны. Может сы понда, медбы эстакада вылын эзö вöлö пробказ, колö керны ыджытжык разрыв вөрөн локтан составвез коласын нето керны сiдз, кызд байтö ёрт Ахазов. Ме байта примернöя. А эна луннэзö, ёрттэз, видзчисьö гөссезöс. Тiян дынö локтасö мöдик леспромхоззэзись учениккез. Тiян опытыс должен лоны сетöма мöдиккеслö...

Локтiсö съöдкайез. Тайгаын югдандорас кылисö токуйтись таррезлөн тулыся песняез. Юэз вылын петис наледь. Мыссэз вылын мыччисисö кушиннэз. Локтис кад, көр оз туй некытчö не мунны, не петны. 12-öt усöt магистраль вылö мотовозөн жагвыв петкötисö эта сезонын вөрөн медбөрья состав.

Вөрзаптöмын төвся сезон чулалис. Апрель конецын оссисö юэз. Пондötчис сплав.

Георгий и Галя получатисö отпуск и лöсьötчисö лэбзыны юглянь.

Галя размöдись ни мöдпöv тэчлис чемоданын вещцез. Георгий Алексеевич сералыштлис сы вылын.

— Мыйлö тэныт пальтосö?

— А вдруг кöдзыт лоас.

— Южнöй Кавказас?

И вот гажа тулыся лунö городись локтис самолёт, мед нуötны курортниккесö. Посадочнöй площадка вылö мунисö ыджыт компанияөн. Вөр весьтын сьылисö ыбшаррез. Паськыт льöмпуэз сулалисö цветтэзөн вевттьöмось. Гараж

дынын, шондi вылын югьялёмөн, лёдзён сула-
лісö, видзчисисö ремонт, трелёвочной трактор-
рез.

Сибötчисö самолёт дынö, кöда нюзötис ассис
борддэсö зелёной лудовка кузя. Пондiсö про-
щайтчыны.

— Шоччисьö, ёрттэз, öктö вын!

Самолёт орötчис му бердсис.

Борд увтас уйыштіс Калиновка, тöдса лесо-
секаэз, көрттуй. Недыр мыйись бөрланьын
кольччис ыджыт речной рейд. Улынжык чистой
ю вылын эз вöв öтик кер. Пондötчис судоходной
фарватер. Вына буксир кыкис сьöрас быдса
городок. Кык металлической баржа вылын су-
лалiсö кытшöмöськö адззывлытöм öддьөн ыджыт
машинаэз, кöдна краситöмось югыт голубой
краскаөн. Этö вöлісö лесной комбайннэз. Куи-
мöt пуовой ыджыт баржаö грузитöма пода
и хозяйственной инвентарь. Нельöt баржа палу-
ба вылын — не öтик сотня пассажиррез. Пе-
реселенецезлөн первой партия!

Сё паськытжык и паськытжык лöк красавица
Кама. Вöррез шочжыкось. Керöса берегöt поч-
ти орötтöг кыссьöны заводской посёлөккезлөн
да городдэзлөн веськыт улицаэз.

Самолёт борд увтын керöса юлөн устье.
Улынжык, Кама кыкнан берегын, сулалöны
электропередачаэзлөн да подвесной туйлөн
ыджытса-ыджыт ажурной вышкаэз. Валькыта
лэдзчисьлöны да вылына лэбтісьлöны шагаю-
щой экскаваторрезлөн стрелаэз. Веськытланысь
берег дынын стальной броняö дорöм ю шөрöдз
нюжалöма ыджыт котлован. Котлован пыдöсöt
орлытöм лёдзён мунöны грунтөн самосваллэз,
уджалöны мощной насосной станцияэз. Берег
дорын бетонной заводлөн гигантской башняэз,
ылынжык строителлезлөн посёлөк.

Ылын мыччисис ыджыт город. Кама кузя перыта, өтнас, пароходтөг, кывтис ыджыт плот. Одзас, пароход туйө, уйис лажмыт борттэза неыджыт металлическөй баржа. Баржа вылын голубөй вагончиклөн учөтик трубаись тшакыльөн-тшакыльөн петис тшын.

Пассажиррез видзөтисө өшынө.

„Эта понтон, — вежөртис Галя, — а сы вылын леснөй электростанция“. Плот бөжас эзө вөлө лоттэз да якоррез лэбтөм понда обычнөй кустарнөй приспособленнөс. Древнөй „карусельсө“ вежис электролебедка. Васө бергөтлисө сынсян винттэз. Плот кузя доль кыссис сьөд электрическөй кабель.

Көть и лун вөли и югьялис шонди, а плот мачтаын югыта сотчис электрическөй лампочка.

Редактор *Н. В. Попов*

Техредактор *Ф. С. Яркова*
Корректор *А. Т. Климова*

Сдано в набор 8/1-53 г. Подписано к печати 4/II-53 г.
Печатных листов 5,25. Уч.-изд. листов 2,9. ЛБ11216
Заказ № 66. Тираж 1000. Цена 1 р. 85 к.

г. Кудымкар, Типография Молотовского Облполиграфиздата.